

Doctrina de morbis cutaneis / [Joseph Jacob Plenck].

Contributors

Plenck, Joseph Jacob, Ritter von, 1738-1807.

Publication/Creation

Viennae : R. Graeffer, 1783.

Persistent URL

<https://wellcomecollection.org/works/q5cw2huw>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

3

JOSEPHI JACOBI PLENCK,

*Chirurgiæ Doctoris, nec non Chirurgiæ, Anatomes
atque Artis Obstetriciæ Professoris Regii, publici ac
ordinarii in Regia Universitate Budensi.*


D O C T R I N A
D E
MORBIS CUTANEIS

QUA HI MORBI IN SUAS CLASSES, GENERA
ET SPECIES REDIGUNTUR.



Editio secunda, aucta.

V I E N N Æ,
APUD RUDOLPHUM GRÆFFER.



V I R O
PERILLUSTRI, EXPERTISSIMO,
DOCTISSIMO, AC CELEBERRIMO
JOANNI ALEXANDRO
B R A M B I L L A
SAC. CÆS. REG. APOST. MAJ.
CHIRURGO PRIMARIO

NEC NON

EXERCITUUM ET PRÆTORIANORUM IM-
PERIALIUM CHIRURGO SUPREMO

ACADEMIÆ CHIRURGICÆ REGIÆ
PARISIENSIS, MONTISPESUL.
BONONIENSIS ET MANTI-
NENS. MEMBRO

Hoc qualemque opusculum in amicitiæ,
observantiæque monumentum

DEDICAT ET CONSECRAT

A U T H O R.

P R A E F A T I O.

MORBORUM, qui cutem humanam afflidunt, multitudo, atque varietas, caussarum, a quibus ii proveniunt, obscuritas, & quæ inde nascitur sanandi difficultas, diversitasque, hanc medicinæ, chirurgiæque doctrinam tyronibus difficillimam & vix extricabilem reddidere. Authores demum, quos consultum adire licet, pauci sunt, quorum alii hoc, licet omnis ævi frequens morborum genus, nonnisi citissimo tetigere calamo; alii vago ac non constanti nominum usu diagnosim, curandique rationem effecere incertam.


Hæc sunt, quæ me incitabant, ut hanc vastam indigestamque horum morborum molem in sistema redigere adlaborarem. Opusculum hoc, quod in usum meorum Auditorum concinnaveram, centum & quindecim genera complectitur affectuum cutaneorum; morbos chronicos diligenter descripsi, exanthematum autem febrilium solam adjeci differentiam & diagnosim, qua a

P R Æ F A T I O.

se & a similibus distinguantur; curatio enim exanthematum febrilium in sola sanatione febris, a qua profluunt, consistit, quæ ad aliam pathologiæ spartam pertinet.

Multum equidem, gratus fateor, celeberrimis viris, qui nuper genericā morborum systemata condidere, SAUVAGESIO, LINNÆO, VOGELIO, MACBRIDIO, CULLENIO, SAGARO, HARTMANNO, LORRYO, DANIELIO debeo, quorum systematibus sæpe cum uberrimo fructu usus sum, nec tamen superfluam me navasse operam opinor, si ea attendas, quæ adjeci, correxi, dilucidavi.






C L A S S E S MORBORUM CUTANEORUM.

- I. CLASSIS. MACULÆ, *die Flecke.*
- II. ——— PUSTULÆ, *die Eiterblattern.*
- III. ——— VESICULÆ, *die Wasserblattern.*
- IV. ——— BULLÆ, *die Blasen.*
- V. ——— PAPULÆ, *die Knoten.*
- VI. ——— CRUSTÆ, *die Rauden.*
- VII. ——— SQUAMMÆ, *die Schuppen.*
- VIII. ——— CALLOSITATES, *die Schwüllen.*
- IX. ——— EXCRESCENTIÆ CUTANEÆ,
die Hautgewächse.
- X. ——— ULCERA CUTANEA, *die Haut-
geschwüre.*
- XI. ——— VULNERA CUTANEA, *die
Hautwunden.*
- XII. ——— INSECTA CUTANEA, *die Haut-
insekten.*
- XIII. ——— MORBI UNGUIUM, *die Nägel-
krankheiten.*
- XIV. ——— MORBI PILORUM, *die Haar-
krankheiten.*



GENERALIA ET SPECIES MORBORUM CUTANEOGRUM.

CLASSIS I. MACULÆ.



Maculæ fuscæ.

- Lentigo, die Sommersprosse.
 Ephelis, die Leberflecke.
 Fuscedo cutis, die braune Haut.
 Flavedo cutis, die gelbe Haut.

Maculæ rubræ.

- Gutta rosacea, der Kupferbandel.
 Stigma, der rothe Punkt.
 Erythema, die Hautröthe.
 Morbilli, die Kindsflecken.
 Scarlatina, der Scharlachausschlag.
 Urticaria, der Brennesselausschlag.
 Maculæ venereæ, die venerische Flecke.
 Efferæ, die flache rothe Flecke.
 Psydraciæ, die erhobene rothe Flecke.
 Rubedo cutis, die rothe Haut.

Zona seu Zoster, die Feuergürtel.

Macula lata Plateri, seu Ignis sacer, der Feuerflecke.

Maculæ lividæ.

Ecchymoma, der blaue Flecke.

Livor cutis, die schwarzblaue Haut.

Vibex, der Streif.

Maculæ scorbuticæ, die Scharbocksflecke.

Maculæ gangrenosæ, die Brandflecke.

Petechiæ, die Petechen.

Maculæ nigræ.

Melas, der schwarzgefleckte Ausatz.

Melasma, der schwarze Flecke.

Noma, der Kinderbrand, oder Todtenwurm.

Nigredo cutis, die schwarze Haut.

Maculæ albæ.

Alphos, der weisgefleckte Ausatz.

Albor cutis, die weisse Haut.

Pallor cutis, die bleiche Haut.

Maculæ incerti coloris.

Maculæ maternæ, die Muttermahle.

Maculæ artificiales, die gekünstelte Flecke.

Cutis variegata, die gefleckte Haut.

Cutis fucata, die geschminkte Haut.

Cutis unduosa, die glänzende Haut.

CLASSIS II. PUSTULÆ.

- Pustulæ, *die Eiterfinnen.*
- Scabies, *die Krätze.*
- Variolæ, *die Kindspocken.*
- Varicellæ, *die unächten Kindspocken.*
- Terminthus, *die Erbsenblättern.*

CLASSIS III. VESICULÆ.

- Sudamen, *die Schweißblättern.*
- Miliare, *die Friselblättern.*
- Hydatis, *die Wasserblasen.*
- Vesiculæ cristallinæ genitalium, *die Crystallblättern der Schaamtheilen.*
- Uritis, *die Brennblättern.*

CLASSIS IV. BULLÆ.

- Phyma, *die Eiterblasen.*
- Bullæ, *die Wasserblasen.*
- Pemphygus, *der Blasenausschlag.*

CLASSIS V. PAPULÆ.

- Vari, *die Finnen.*
- Grutum, *der Gries.*
- Herpes seu Serpigo, *die Flechte.*
- Cutis anserina, *die Gänshaut.*
- Tuberculum, *der Knote.*
- Phygethon, *die rothe Knoten.*

Lepra, der Ausatz.

Elephantiasis, der Elefantenauftatz.

CLASSIS VI. CRUSTÆ.

Crusta, die Raude.

Eschara, der Schorf.

Achores, die Kopfraude.

Crusta capitis neunatorum, der Kneis.

Crusta lactea, der Milchgrind.

Tinea, der Grind.

Mentagra, der Kieferausatz.

Malum mortuum, das todte Uebel.

Exanthema labiale, der Lippenausschlag.

Exanthema subaxillare, der Achselhöhlausschlag.

CLASSIS VII. SQUAMMÆ.

Furfuratio, die Hautkleien.

Desquamatio, das Abschuppen der Haut.

Exuvia epidermidis, der Abgang der Oberhaut.

Porrido, der Kleiengrind.

Lichen, der Zitterich.

Impetigo, der Kleienauftatz.

Ichthyosis, der Fischschuppenauftatz.

Tyriasis, der Schlangenausatz.

Asperitas cutis, die Rauhigkeit der Haut.

Rugositas cutis, die Runzeln der Haut.

CLASSIS VIII. CALLOSITATES.

Callus, *die Schwülle.*

Cicatrix, *die Maser.*

Clavus, *das Hüneraug.*

CLASSIS IX. EXCRESCENTIÆ
CUTANÆ.

Verruca, *die Warze.*

Cornua, *die Hauthörner.*

Hystricismus, *der Stachelausatz.*

Condyloma, *die Feigwarze.*

Frambæsia, *der Schwammformige Aussatz.*

CLASSIS X. ULCERA CUTANEA.

Excoriatio purulenta, *die Hautschwürung.*

Intertrigo, *der Frat.*

Aphthæ, *die Mundschwünchen.*

Fissuræ, *das Hautauftreten.*

Rhagades, *die Hautschrunden.*

CLASSIS XI. VULNERA CU-
TANEA.

Excoriatio cruenta, *die Hautauftschärfung.*

Scissura, *der Schnitt.*

Pressura, *der Zwicker.*

Morsus, der Bis.

Punctura, der Stich.

Ictus ab insecto, der Insekten Stich.

CLASSIS XII. INSECTA CUTANEA.

Phthiriasis, die Lausfucht.

Helmintiasis, die Hautwurmsucht.

Malis, die Infektengeschwüste.

Crinones, die Mitegger.

CLASSIS XIII. MORBI UNGUIUM.

Seline, der weiße Nagelfleck.

Ecchymoma, der blaue Nagelfleck.

Gryphosis, die Nagelkrümmung.

Fissura unguium, der Nagelspalt.

Tinea unguium, der Nagelgrind.

Mollities unguium, die Weichheit der Nägel.

Scabrities unguium, die Hokerigkeit der Nägel.

Pterigium unguis, das Nagelfell.

Aratura unguis, der Nagelzwang, das Nagelgeschwür.

Deformitas unguis, die Ungeßlichkeit der Nägel.

Lapsus unguis, der Abfall der Nägel,

CLASSIS XIV. MORBI PILORUM.

Calvities, *der Kahlkopf.*

Hirsuties, *die Haarigkeit.*

Xerasia, *die Dünhaarigkeit.*

Trichoma, *der Wichtelzopf.*

Fissuræ capillorum, *die gespaltete Haare.*

Canities, *der Graukopf.*





DE
MORBIS CUTANEIS
GENERATIM.

MORBI, qui cutem ejusque partes infestant, *cutanei* vocantur.

Hi dividi solent

1. in *acutos*, qui cum febre erumpunt, & cum illa evanescunt
2. in *chronicos*, qui sine febre sunt & ut plurimum diu durare assuecant.

Ast facilitatis intellectus gratia omnes morbos cutaneos in sequentes, a morbi indole petitas, XIV dividò classes.

CLASSIS I. MACULÆ.

Sunt locales coloris nativi mutationes in cute.

SEDES materiæ morbosæ intra cutem & epidermidem in reticulo celluloſo epidermidis est.

COLOR macularum est varius, ruber, fuscus, lividus, niger, albus.

Demum hæ maculæ, vel *solitariæ*, vel *agminatæ* erumpunt.

CURATIO pro materiæ morbosæ diversitate diversa est.
SPECIES macularum sunt sequentes.

L E N T I G I N E S.

Sunt maculæ fuscæ, quæ colore, figura & magnitudine lentes referunt.

PARTES soli expositæ, ut facies, dorsa manuum, rarius antica crurum superficies, his maculis affici solent.

Puellas albidas cum ruffis capillis maxime aggreditur lentigo. Æstate augentur, & hieme decrescunt hæ maculæ.

Cum autem lentigo in partibus non insolatis etiam oriatur, & moniales, soli non expositas, etiam afficiat, atque ulcera in lentiginosis cacoetha sape evadant, hinc peculiaris cacochymia *causa* lentiginis esse videtur.

CURATIO. Cum specificum cacochymiaæ lentiginosæ remedium adhuc ignoretur, hinc depurantia generalia *interne* adhibeantur. Serum lactis tamarindinatum & juscula ex chærophyllo & aliis herbis hepaticis, utilia deprehendi.

Externe acetum armoraciæ, * fel taurinum, ** pasta amygdalarum amararum, lac sulphuris, aqua

* Cel. KRÜNIZ oeconomische Encyclopædie 2. Vol. pag. 127.

** Cel. GEOFFROI in Mémoires de l'Academ. de Scienc. adversus lenticulas seu lentigines faciei cosmeticum

aqua phagædenica, & solutio vitrioli albi laudatur.

E P H E L I S.

Est macula fusca, lata, solitaria vel agminata.

SPECIES ephelidum sunt:

1. *EPHELIS SOLARIS*, quæ in facie & manu ab insolatione in teneris puellis observatur. *Præcavetur umbraculis, pileo magnō, chirothecis.*

Curatur lavatorio ex oxycrato, aqua camphorata, petrosellino in aqua frigida macerato, pasta amygdalarum.

2. *EPHELIS IGNEALIS.* Post cutis ambustionem remanet, etiam in feminarum tibiis & femoribus observatur, quæ hyeme foculos pendibus supponunt. Etiam a vesicatorio, si cuticula aufertur, sæpe fusca & lata macula diu remanet.

Curatio a tempore exspectanda.

3. *EPHELIS GRAVIDARUM.* Maculæ fuscæ, solitariæ, palmam latæ, frontem præcipue affidentes, in gravidis observantur, quas *maculas gravidarum* vocant.

Hæ maculæ post partum evanescunt.

ex felle tauri, oleo tartari per deliquium & aqua, laudat. *Cel. HARTMANNUS* p. 794. ex bile cosmeticum parat, de quo dicit: *ad miraculum usque albedinem cuti conciliat.*

4. *EPHELIS HEPATICA*. In virginibus diffusculter menstruantibus, & quandoque in viris hæmorrhoidæ cæca laborantibus, & in aliis, quibus hepar afficitur, observantur hæ maculae, quas etiam *Hepatizon* dicunt.

Curatio exigit, ut fluxus retentus restituatur. *Externe* applicantur, quæ in lentagine & ephelide solari laudantur.

5. *EPHELIS NEUNATORUM*. Est macula lutea, quæ hinc inde in infantibus neunatis observatur. *Curatur* ut iæterus.

FUSCEDO CUTIS.

Est fuscedo non maculosa, sed diffusa per faciem, manus, vel totum corpus.

SPECIES fuscedinis sunt :

1. *FUSCEDO ÆTATIS*. Albedo infantum intra aliquot menses in subluteum vel subflavum colorem abit. Viris plerisque, senibus autem omnibus cutis fusca fit.

2. *FUSCEDO SOLARIS*. Solis ardor in saturando corporis colore magnam vim habet. Europæis candidis pars frontis pileo testa, aut pars brachii, vestibus contenta, a reliqua nuda facie nudaque manu distat. Milites multa experti, & peregrinatores, qui calidissimas regiones frequentarunt, e terris remotis faciem fuscam vel atram referunt, quam successive in patria iterum amittunt. At feminæ in Asia, gynæcæis reclusæ, manent albæ.

In climate calidissimo fusti sunt europæi, & in Europa æthiopes aliquantum albidiiores fiunt. *Curatio* fuscedinis a remediiis *cosmeticis* exspectari, rarissime obtineri potest.

3. *FUSCEDO NATIVA.* Æthiops cum albo homine mulattos flavos gignit, qui etiam producent, si mulatti cum mulattis rem habeant. Si vero mulatti cum albo coiverunt, fœtus prodit europæo propior, & post quartam generationem homo ab europæo non diversus. Si vero cum æthiope rem habeant mulatti, æthiopi propior generatur proles, & post quartam generationem verus redit æthiops. Demum in multis europæis feminis regio pubis & areolæ mammarum fuscæ, subinde nigricantes sunt.

FLAVEDO CUTIS.

Est cutis flavedo in tota facie vel toto corpore.

1. *FLAVEDO ICTERITIA* ab ictero seu bile, in sanguinem redeunte, pendet. V. *Icterus*.
2. *FLAVEDO A SUGILLATIONE.* Ecchymosis livida, quamprimum resolvi incipit, flavescit; solitarii enim globuli sanguinis, multo sero diluti, flavescunt.
3. *FLAVEDO NATIVA.* In mediterraneis Æthiopiarum locis flavæ sunt gentes integræ.

GUTTA ROSACEA.

Est corymbus macularum rubrarum in facie & nafo, SPECIES guttae rosaceæ sunt:

1. **GUTTA ROSACEA SIMPLEX** est rube-
do nasi & partium adjacentium absque omni
asperitate, efflorescentia, pruritu & desquamma-
tione, diu permanens.

Curatur purgantibus.

2. **GUTTA ROSACEA OENO POTARUM**
seu **BACCIA**. Format maculas rubras, ali-
quantum elevatas, & furfuraceas, vini potatori-
bus est familiaris, & nasum eorum tuberosum
reddit. Quandoque brachia, collum & pectus
occupat.

Curatio est difficillima, et exigit abstinentiam a
vino. Absorbentia, herbæ alcalescentes, aqua
felterana, juscula millepedum, viperarum, can-
crorum, testudinum, succi antiscorbutici, præ-
sertim fumatiæ, cum purgantibus adhibeantur.

Externe aqua vegetomineralis cum felle taurino:
petrosellinum maceratum, aqua phagædenica
tentari potest. Sed cave ne acrimonia repellatur.

3. **GUTTA ROSACEA HYDRO POTARUM.**
Plures curavi suadendo, ut vinum bibere inci-
piant.

4. **GUTTA ROSACEA FEBRILIS.** Si in fe-
bribus malignis nasus purpureus, bruneus,
nigricans, tumidus, pustulosus evadit, mors
instar, ex 20 vix 2 evadunt. *

* De MEYSEREY T. 2. n. 241.

* (21) *

5. GUTTA ROSACEA PERNIONALIS.

Rubor chronicus nasi a gelu.

Curatur unguento ad perniones.

6. GUTTA ROSACEA HERPETICA. Est pruriens, vesiculos & furfurascens.

Curatur ut herpes.

7. GUTTA ROSACEA SYPHILITICA signa luis venereæ habet. Vide *maculas venereas.*

8. GUTTA ROSACEA LACTENTIUM. In lactentibus maculæ rubræ circa genas & labia oriuntur, in cuius centro foramen fuscum & siccum appareat. Hæ maculæ diu permanent, aliquando in crustam lacteam abeunt, at non semper.

Curatio exigit decoctum violæ tricoloris. V.

Crusta lactea.

9. GUTTA ROSACEA VARIOLOSA. Maculæ rubræ in genis post variolas toleratas sape per medium annum remanent.

Evanescunt suasponte. Sed citius, si oleum been cuti illinatur. *

S T I G M A.

Est punctum coloris coccinei, in facie vel alia parte.
SPECIES sunt :

I. STIGMATA NATIVA incurabilia sunt.

* Cel. BRUCKMANN *diss. de nuce Been.* Helmst. 1750.
p. 27. memorabilia hujus rei exempla recenset,

2. *STIGMATA RUBRA*, quæ subinde subito in facie a violenta *tussi* vel *vomitu* oriuntur, suasponte evanescunt, sic etiam a *scorbuto*, a suppressis *menstruis*, talia rubra stigmata in toto corpore vel in una solummodo parte observantur.

Curatio exigit ut morbus, cuius hæc stigmata symptoma sunt, curetur.

3. *STIGMATA NIGRA* a pulvere pyrio in faciem exploso, exigunt, ut granula pulveris dentiscalpio eximantur.

ERYTHEMA.

Est cutis macula rubra, solitaria, apyreta & topica, non ut erysipelas per totam partem diffusa.

SPECIES sunt:

1. *ERYTHEMA AB IGNE*. Macula rubra, igne inducta, optime curatur, si ardor aqua frigida sopiatur, & dein aqua alba vel unguentum plumbatum applicetur.

2. *ERYTHEMA A GELU*. Est rubor cum levi tumore glabro & splendente, ad mutationem aeris hyeme pruriens. Nasum, digitos manuum & pedum atque calcaneos afficit. Frigus extrahitur nive vel aqua frigida, rubor curatur unguento ad perniones.

3. *ERYTHEMA AB ATTRITU*. Rubedo clunium in equitantibus, rubedo manuum in operariis & pedum in peditibus huc pertinet.

*Curatur applicato sevo recenti, butyro cacao
aut unguento plumbato.*

4. *ERYTHEMA A DECUBITU.* In regione coccygis, & ossis sacri vel Illi ægitorum, diu decubentium, observatur. *Curatio* exigit corium molle & pulvinaria excavata, quibus lumbi & femora sustineantur, ne coccyx a letto prematur; rubor loci Aqua Thediana, * unguento plumbato vel linimento ex albumine & spiritu vini tegatur. Idem fiat, si sub sanguine fracturæ cruris a decubitu erythema in calcaneo pedis oriatur.

5. *ERYTHEMA AB ICTU INSECTI.* Præsentissimum remedium est applicatio aquæ frigidæ vel petrosellini in aqua macerati.

6. *ERYTHEMA AB APPLICATIS ACRIBUS,* ut vesicatorio, synapismo, urica.

Curatur butyro non salito.

7. *ERYTHEMA VOLATICUM GENARUM* est subitaneus rubor genarum & faciei, qui brevi iterum evanescit. Observatur in verminosis, hystericis, in verecundia & instanti menstruatione, nec non in lactentibus, ab ira nutricis.

8. *ERYTHEMA FEBRILE.* Erythema nasi nigricans & pustulosum in febribus malignis mortis instantis signum est. Vide *Neerosis*.

* *Cel. THEDEN Bemerkungen. 2. Theil. p. 253.*

Erythema circa nares in febribus non malignis diarrhæam præsagit.

9. *ERYTHEMA AB INTERTRIGINE.* V.
intertrigo.

10. *ERYTHEMA COMPLICATUM CUM ALIO MORBO.* Est rubor, qui tumoribus scirrhosis, œdematosis, vulneribus, ulceribus antiquis, fracturisque supervenit.

Curatur aqua vegetominerali. Erythema ab incipiente spina ventosa subinde unguento neapolitano discutitur.

M O R B I L L I.

Sunt exanthema febrile, quod maculas parum elevatas, rubras, uniformes, in tenuissimam furfurationem abeuntes, format, atque symptomatum catarrhosorum præludium habet.

ERUMPENTES morbilli stigmata rubra, elevata, pulicatum morsus æmulantia, exhibent.

De miasmate morbilloso & de curatione morbillorum vide *Authores* qui *febrem morbillosam* describunt.

S C A R L A T I N Æ.

Sunt exanthema febrile, quod maculas multo latiores quam morbilli, ruberrimas, irregularis formæ, prurientes, in desquamationem abeuntes, sine præludio catarrhali format.

V. *Authores*, qui de *febre scarlatina* scripserunt.

U R T I C A R I Æ.

Sunt exanthema febrile quod cum levissima febre erumpit atque maculas parum elevatas, rubras, valde prurientes, & ardentes, cum minimis punctis elevatis, qualia a foliis urticæ excitari solent, format.

Illud singulare habent maculæ *urticatæ*, quod in frigido magis emergant, & in calido evanescant. De curatione vide Authores, qui *febrem urticatam* describunt.

M A C U L Æ V E N E R E Æ.

Sunt maculæ, quæ a *viru venereo* proveniunt.

Sunt maculæ duræ, circulares, rubræ, parum elevatae cum margine calloso, albido, quæ in lue confirmata in fronte, circa tempora & in thorace efflorescunt.

Circa frontem formant sic dictam *coronam venereum*. Curantur interno usu mercurialium & antivenereum. Externe aqua phagædenica aut solutione sublimati lavari debent.

E S S E R Æ.

Sunt maculæ coloris rubri, sed latæ, discretæ, splendentes, glabræ, ardentes, ac prurientes, planæ, non elevatæ ut maculæ urticatæ, in manibus & facie ut plurimum *sine febre* erumpentes.

Subinde in calore lætissime efflorescunt, & in frigore se subducunt, subinde, quod mirum est, recte contrarium obvenit.

Curatio exigit lenia purgantia, dein diaphoretica & diluentia dentur.

P S Y D R A C I Æ.

Sunt maculæ rubræ in latam ac superficialem vesicam quasi elevatæ.

SPECIES sunt :

1. *PSYDRACIÆ SPONTANÆ*, quæ etiam *Porcellana* dicuntur, sunt maculæ coloris rosei, solitariæ, pollicaris diametri, in pectori & brachiis, aliisve partibus tectis subito erumpentes & recedentes.

Curatio exigit purgans antiphlogisticum. Evanescent sine suppuratione aut desquamatione, sola resolutione.

2. *PSYDRACIA URTICATA*. *Urtica urens*, *cactus*, *phaseolus pruriginosus* & aliæ plantæ, hanc psydraciæ excitant, si manu tangantur.

Cespites vivi applicati cito curant.

3. *PSYDRACIA A PUNCTURA INSECTORUM*, a vespa, culice & aliis insectis tales psydraciæ oriuntur, quæ aquæ frigidæ applicatione optime curantur. V. *Ictus ab insecto.*

R U B E D O C U T I S.

Est rubedo non maculosa sed diffusa per totum corpus vel faciem totam, aliamve partem.

1. *RUBEDO A VERECUNDIA*. Vasa cutanea genarum a pudore dilatantur, ut in inflammatione.

2. *RUBEDO A GELU.* A frigore facies manusque ruberrimæ evadunt, sunt qui hanc rubedinem sæpe per totum tempus vernale non amittunt. *Curatur* unguento ad perniones.

3. *RUBEDO A VERNICE.* Sinenses, qui vernicem ex arbore *Rhus* extrahunt, intra 24 horas universali rubore inficiuntur.

Curatur hic morbus ut universalis inflammatio.

4. *RUBEDO A VENENIS.* Eius baccarum atropæ & squali caniculæ intensam rubedinem per totum corpus diffusam excitat.

Curatur emetico, dein oxymel vel acetum detur.

5. *RUBEDO A PLETHORA,* si homines plethorici exercitio vel calore vel spirituosis nimium se commovent, in facie & toto fere corpore rubent.

Curantur venæctione, & antiphlogisticis.

6. *RUBEDO NATIVA.* In India incolæ insularum Philippinarum sunt atrorubri, & Pata-gones colorem cupri nativum habent. Etiam in nostris regionibus neunati infantes saturate rubent, at paulatim expallescunt.

ZONA SEU ZOSTER.

Sunt vesiculæ pisiformes, discretæ, atrorubræ, non raro confluentes, intense pruriētes & dolorificæ, quæ instar zonæ seu cinguli ad manus lati-

tudinem pectus vel aliam partem circumdant.* Cutis simul late rubet, vesiculae serum purulentum continent & apices vesicularum cito gangrenescunt. Sub umbilico & in regione ischiadica usque ad genua hunc morbum vidi.

Peculiaris acrimonia biliosa subesse videtur. Post magnam iram & large desuper potatam cerevisiam his hunc morbum vidi.

Curatur interne dato sale amaro, & externis fomentis siccis. Pinguia & humida, ut vidi, admodum nocent.

ZONA HERPETICA est herpes, quæ cinguli ad instar genua aut collum circumdat. V. *Herpes.*

MACULA LATA PLATERI.

Est macula rubra e pluribus maculis confluentibus constans, cuius ardor tantum est, ut ægri vivamflammam corpus lambere credant.** Fere semper pustulis in suppurationem abeuntibus stipatur, & fere nunquam fine prægressa febre calida.

Loca, quæ ignis sacer maxime infestat, sunt potissimum alterutrum latus abdominis vel thoracis, rarius in facie vel collo vel alia parte observatur.

* Aliis hic morbus *zoster*, vel *ignis Sandi Antonii* vel *erysipelas pustulosum* vocatur.

** *Ignis sacer*, *Ignis Sandi Antonii*, *Hieropyr* ideo etiam ab aliis authoribus hæc erysipelatis peculiaris species dicitur. Vide *D. SPERLICH* *dissert. de igne sacro*. *Budæ 1780.*

Ab erysipelate vulgari & bulloso differt suo ingenii ardore, & pustulis suppurantibus, non ut in bulloso, effuso sero exsiccantibus vel in crustas abeuntibus.

Morbus hicce quandoque epidemicus fuit.

Curatio exigit purgantia, ac dein sudorifera antibiliosa vel antiseptica pro ut indoles febris comitis est.

Externe fomentum siccum applicetur.

E C C H Y M O M A.

Est macula livida, plana vel tumida, successu temporis flavescens, & evanescens, a contusione nata.

SPECIES sunt:

1. *ECCHYMOMA VIOLEN TUM*, quod ex prægressa contusione, oritur.

Curatur venæsectione & oxycrato spirituoso, aqua Thediana aut fomento resolvente.

2. *ECCHYMOMA A VENÆSECTIONE*. Altero vel tertio die post venæsectionem sæpe tota interna antibrachii superficies latissima macula livida suffusa invenitur.

Curatur ut prior species.

3. *ECCHYMOMA A DECUBITU*, quod in cadaveribus & in ægrotis diu decumbentibus in dorso & clunibus sæpe observatur.

4. *ECCHYMOMA SPONTANEUM*, quod sine contusione aut scorbuto nascitur. Feminis quibus catamenia suppressa sunt, sæpe supervenit.

Curatio est in omnibus ut in ecchymomate violento.

L I V O R C U T I S.

Est livor non maculosus sed totam partem occupans.

1. *LIVOR A STRANGULATIONE.* Facies nigro livore fugillatur in suspensis fune, in suffocatis, & in nevnatis, quibus collum funiculo umbiliculi contortum fuit.

Curatur ut ecchymoma violentum; in infantibus e funiculo umbilicali emittatur sanguis.

2. *LIVOR FEBRILIS.* In paroxysmo frigoris febrilis & etiam a frigore aeris tempore hemali digitii & unguis livent. Hicce autem livor sua sponte evanescit.

V I B I C E S.

Sunt striæ longæ, lividae vel coccineæ, quales a flagellis relinquuntur.

SPECIES vibicum sunt:

1. *VIBEX A FLAGELLO*, curatur ut ecchymoma violentum.

2. *VIBEX SCORBUTICA*, vide *maculas scorbuticas*.

3. *VIBEX FEBRILIS*, in febribus putridis observantur tales striæ, curantur ut petechiæ.

4. *VIBEX A PANARITIO.* Bis vidi striam rubram a dito inflammato in antibrachium usque pergentem, quæ inciso tumore evanuit.

MACULÆ SCORBUTICÆ.

Sunt maculæ lividæ, quæ a *scorbuto* proveniunt.
In cruribus scorbuticorum non solum maculæ *palmares* lividæ aut rubentes, sed etiam *parvæ* ut *petechiæ*, & *longæ* ut *vibices* observantur.

Noscuntur ex reliquis signis scorbuti & curantur antiscorbuticis.

MACULÆ GANGRÆNOSÆ.

Sunt maculæ, quæ a *gangræna incipiente* oriuntur.
Hæ maculæ sunt lividæ vel nigræ, insensiles, in gangræna *humida* molles, in gangræna *ficca* duræ sunt. In febribus malignis & putridis sæpe tales maculæ cum lethali omni observantur.

Curatio exigit antiseptica. Vide *Doctrinam de gangræna*.

PETECHIÆ.

Sunt exanthema febrile, quod maculas, pulicum morsibus magnitudine & colore similes, format.

Differunt a veris pulicum morsibus, quod careant stigmate aculei, a pulice infixi, & quod diutius durent: pulicum enim morsus ultra 24 horas non persistunt.

Petechiæ febriles a *scorbuticis petechiis* differunt, quod priores febrem putridam comitem habeant. Sic etiam

COLOR petechiarum est varius. *Rubræ* petechiæ boni moris plerumque esse solent, *purpureæ*, *lividæ*

& nigræ pejoris ominis sunt. Rarissimæ obser-
vantur petechiæ ultra cutis libellam prostantes.

Ex transudatione sanguinis putridi ex cute sub epi-
dermidem fieri videntur.

De curatione petechiarum vide authores, qui de fe-
bre petechiali tractant.

M E L A S.

Est morbus, in quo maculæ nigræ, vel fuscæ, cutem
deprimentes, sine dolore & pruritu observantur.
Subinde profunde ad ossa usque serpit nigredo.*

Est morbus Arabiæ endemius, hinc peculiare mias na-
causam proximam hujus morbi constituere vide-
tur.

Curatur, præmissis purgantibus, antiscorbuticis, sero
lactis cum epithymo vel fumaria & veronica,
jure viperino, cicuta, antimonio, mercurio,
spiritu cochleariæ. *Externe*, synapismi, vesica-
toria, balnea sulphurea vel salina, helleborus al-
bus, adhiberi debent.

M E L A S M A.

Est macula livido - atra, quæ tibias potissimum senum
absque evidenti causa, & absque scorbuto in-
festat.

Est morbus diuturnus, qui sæpe in ulcera mali moris
degenerat, hinc a nomine differt.

Curatio exigit antisепtica interna & externa.

* Voratur hic morbus etiam vitiligo nigra vel morphæa ni-
gra seu lepra maculosa nigra.

N O M A.

Est macula rubra vel livescens, quæ infantibus vel in gena vel in vulva apud puellas oritur, & intra aliquot dies in sphacelum abit.

Morbus apud infantes quinquennes, potissimum in orphanotrophiis, observatur. Hæc macula, acu pertusa, non dolet, sine febre oritur, ac sine dolore, tumore, & calore in sphacelum buccæ vel vulvæ abit, qui sua sponte sine ulla sanguinis effusione partes vicinas & ipsa ossa cum ingenti factore erodit, & intra paucos dies, pulsu, fame atque cæteris functionibus vix mutatis, mortem causat.

Idem malum subinde scorbuticis supervenit, sed incipit cum ulcere albo & exiguo in interna superficie genæ. V. *cancer aquaticus*.

Curatio Nomæ exigit, ut spiritus mercurialis saturatus mediante plumaceolo maculæ gangrenosæ applicetur. *Interne* camphora, cortex, spiritus vitrioli & alia antiseptica dentur.

N I G R E D O C U T I S.

Est cutis nigredo non maculosa, sed per faciem, vel aliam partem vel totam corporis superficiem diffusa.

Cutis nigra redditur, si humor niger deponitur in celulas epidermidis. *

* HERMANN *Dissert. de vera natura cuticulæ.*

SPECIES sunt:

1. *NIGREDO NATIVA*, quæ in æthiopibus nigris observatur a depositione muci nigri malpighiani. Aliquando etiam in europæis regio pubis & areolæ papillarum in mammis nigrescunt.
2. *NIGREDO SCORBUTICA*. Vidi in scorbutico milite totum crus sinistrum adeo nigrum, ut æthiopis esse crus credidisses; curabatur aqua vegetominerali cum spiritu vini camphorato saturata.
3. *NIGREDO MENSTRUALIS*. A suppressis menstruis manus nigras & lividas vidit CEL. SAGAR. Curatur ut ecchymoma.
4. *NIGREDO NECROTIA*, qua partes, necroſi affecta, conspicuntur. V. *Necroſis & gangræna*.
5. *NIGREDO SORDIDA*. Aliquando in morbis acutis prospicit cutis, ac si sordes nigrescentes exterius ei insiderent & eam leviter quasi conspurcarent, nullo modo autem hæ nigræ sordes se ablui patiuntur.
6. *NIGREDO AB ICTERO NIGRO*. V. apud Authores *icterus niger*.

A L P H O S.

Est lepræ species, in qua maculæ albæ cutem deprimentes nascuntur. *

* Dicitur etiam *vitiligo alba*, seu *morphea alba*, vel *lepra maculosa alba*. V. Cl. Profess. VOGEL Dissert. de *vitiligine*.

Duplex datur alphi species:

1. *ALPHUS SIMPEX*, in quo pili cutanei colore non mutantur, sed maculæ serpunt de parte in partem, & cutem exasperant.
2. *ALPHUS LEUCE*, in quo maculæ albidores sunt, profunde cutem penetrant, pili cutanei albi evadunt, & si locus affectus fricitur, non rubet, si pungatur, aqua lactea effluit.

CAUSAM alphi peculiare miasma, quod Arabiæ endemium est, constituit.

Curatio. Leuce vix amplius curatur. In alpho tentari debent eadem medicamenta, quæ in melas & lepra laudantur.

ALBOR CUTIS.

Est albor per faciem vel totum corpus diffusus.

1. *ALBOR NATIVUS*. In *Africa occidentali*, homines inveniuntur albi. Vocantur *æthiopes albi* seu *laðei*, oculi iridem habent roseam, impatiens sunt lucis, debiles & teneri homines, ex *æthiopibus nigris*, & ex indis rubris nascuntur. *

PALLOR CUTIS.

Est cutis præsertim in facie pallor.

* V. Cl. Profess. BLUMENBACH *de generis humani varietate nativa*. & Illust. HALLERI *elementa physiologiae* T. V. p. 24.

1. *PALLOR PATHEMATICUS.* Terror arterias cutaneas constringendo pallorem faciei & totius corporis causat.
2. *PALLOR CHLOROTICUS*, qui simul & virescens est, a chlorotica seu pituitosa cachexia pendet. V. *Chlorosis* apud Authores.
3. *PALLOR A DEFECTU SANGUINIS*, qui hæmorrhagias magnas & omnes copiosas evacuationes humorum sequitur. *Curatur cardiacis nutrientibus.*
4. *PALLOR MORBOSUS*, qui omnes morbos non febriles comitatur.

MACULÆ MATERNÆ.

Sunt maculæ congenitæ seu nobiscum natæ. Vocantur etiam *Nævi materni*.

Nævi generatim in *maculas* & *excrescentias* dividi possunt.

CAUSAM EXCITANTEM credunt esse vehementem matris gravidæ vel cupiditatem vel aversionem. a)

Multæ dantur nævorum varietates respectu coloris, figuræ & indolis; frequentissimæ *species* sunt:

a) Obstetricavi illustrem mulierem, cui mus vivus ex arca, quam subito aperiebat, in mammam insiliit, hæc præ terrore animo fere delinguebat atque a tertio graviditatis mense cum tota familia vehementer nævum murinum in infante timuit; prædixi nil timendum esse & præter omnium opinionem, pulchram, omnique nævo carentem enixa est puellam.

1. *NÆVUS LENTICULARIS.* Est macula fuscæ vel nigra, lentis magnitudine: una vel plures tales maculæ præprimis in facie observantur. *
 2. *NÆVUS FLAMMEUS,* qui latam maculam, striatam, quæ vini rubri in faciem quasi effusi colorem habet, refert. **
 3. *NÆVUS TUBERCULOSUS,* est macula plus, minus elevata, tuberculis parvis, & non raro ubique pilis obsita. ***
 4. *NÆVUS CAVERNOUS.* Est excrementia cutanea rubri vel lividi coloris, quæ ex tela cellulosa in substantiam cavernosam mutata, constat, & sanguinem vel succum gelatinosum in cavernulis suis continet. α)
-

* In mamma cujusdam puellæ maculam nigræ, ut æthiopis est color, aurei magnitudinem superantem, vidi.

** Dicitur etiam *morpheæ flammea*, germanice *Feuermahl*.

*** Nævis pilosis muris vel erucæ nomen imponunt.

α) Obstetrics & vetulæ his nævis nomen dant rei, cuius similitudinem præ se ferre opinantur. Sic infantes referunt natos, qui *cristam*, *ficum*, *morum*, *rubum*, *idæum*, *farcimen*, & nescio quid secum tulerint. Hi nævi, cum frigore hiemali contrahantur, & calore vernali dilatentur ob humores rarefactione expansos, hinc opinio confirmatur, nævos, qui fructus referunt, tempore florescentiæ ejusdem fructus, etiam florere.

5. *NÆVUS MALIGNUS.* Profundas agit radices, & vasa tumida talis nævi tumorem cancroæ indolis repræsentant, atque causticis multum irritatus in verum cancrum exulceratur.

Curatio nævorum. Partes nævo vicinæ emplastro adhæsivo, in quo foramen ad nævi magnitudinem exscissum est, defendantur, nævo autem ipsi unguentum, ex anatica portione calcis vivæ & saponis veneti confectum, applicetur. Sic intra duodecim horas nævus in escheram mutatur, quæ succedente suppuratione tandem secedit. Nævi tuberculosi facilius, quam maculosi sic sanantur.

Nævi autem magni, quæ vera *sarcomata* sunt, etiam ut illa vel ligatura, vel exscissione auferri debent.

MACULÆ ARTIFICIALES.

Sunt maculæ, quæ cuti pigmento aliquo inuruntur. Qui morbos fingere volunt, hac arte utuntur. Sic macula *rubra* solutione auri, macula *flaya* hepate antimonii, vel spiritu nitri, macula *nigra* lapis infernali, cuti inuri potest, quæ per aliquod septimanas manet, nisi solutione alcalina abluitur.

Colores autem *fuso* inductæ ablutione aquosa no-scuntur.

CUTIS VARIEGATA.

Est cutis maculis varii coloris deturpata.

1. *CUTIS VARIEGATA NATIVA.* In tartarorum gente tigridis instar maculati repe-riuntur homines. *
2. *CUTIS VARIEGATA MORBOSA.* Visus est ad semel in uno subiecto facies viridis, la-etus corporis dextrum nigrum, & sinistrum fla-vum.
3. *CUTIS VARIEGATA A SUGILLATIO-NE,* quæ cum solvi incipit, pars maculis fla-vis, & lividis maculata & striata appetet.

CUTIS FUCATA.

Cutis nitida, albitudo cum rosea genarum rubidine, & venis circa tempora cærulecentibus, pulchritudinis exhibit apud Europæos colorem naturalem.

Fæminæ vanæ, suspectæve virtutis, quas natura pul-chritudinis colore non decoravit, variis pigmen-tis hunc sibi inducere tentant.

Fucum *album* sibi inducunt magisterio bismuthi, vel mercurio præcipitato albo, cerussâ plumbi, aut remediis cosmeticis. **

* *BLUMENBACH de generis humani varietate nativa.*

** *Cosmetica* vocantur remedia, quæ cuti alborem & ni-torem sine fuco seu coloratione inducunt. Hæc virtus quibusdam medicamentis inesse videtur. Dilutissima so-lutio aquosa sublimati corrosivi, bilis, aqua cosmetica HOMBERGI, aqua cosmetica HARTMANNI, aqua destillata radicis ari &c. huc pertinent. Fumum sulphuris pro dealbandis manibus adhibent.

Fucum rubrum præbet carminum. *Fucum cæruleum*, quo venas temporum sibi pingunt, exhibit succus heliotropii.

Fucum nigrum, quo sibi capillos & supercilia nigro colore imbuunt, faciunt solutione lapidis infernalis.

Sed omnes hi fuci, præsertim saturnini & mercuriales, sanitati nocent, & cutem longo usu maculatam relinquunt.

CUTIS UNCTUOSA.

Est cutis splendor unctuosus, ac si esset butyro illita.

CAUSA PROXIMA est pororum glandularium, vel qui ad tunicam adiposam pergunt, laxa amplitudo, quæ oleum subcutaneum transudare sinit.

1. *UNCTUOSITAS VULGARIS*, curatur roborantibus internis, & externa applicatione aquæ frigidæ & liquoris adstringentis.

2. *UNCTUOSITAS ELEPHANTINA*, quæ in elephantiasi observatur, est incurabilis, ut elephantiasis.

CLASSIS II. PUSTULÆ.

Sunt tumores exigui, rubri vel flavi, quorum apex in pus vel crustam purulentam abit.

SEDES materiæ morbosæ vel in glandulis cutaneis, vel in cellulis sub epidermide esse videtur.

SPESIES pustularum sunt:

PUSTULÆ SOLITARIÆ.

Sunt pustulæ exiguae, quæ tempore aestivo solitariæ hinc inde in facie, vel in pectori juvenibus fervidis & puellis erumpunt. Ut plurimum suas sponte suppurantur, exsiccantur & evanescunt.

Curatio, si eruptio valida est, exigit purgantia antiphlogistica, venæsectionem, & externe aqua vegetominerali, vel salita, vel petrosellino in frigida aqua macerato, abluatur facies.

S C A B I E S.

Pustulas format exiguae, admodum pruriētes, quæ scalpendo ruptæ pus effundunt, crustosæ fiunt; & manus potissimum infestant.

SEDES. Incipiunt hæ pustulæ forma vesicularum rubraru[m] in digitorum intersticiis, dein manus, genua & cubitos maximam partem afficiunt, inde per totum corpus, sola facie excepta, disperguntur.

CAUSA PROXIMA scabiei peculiare miasma esse videatur, quod glandulas cutaneas occupate amat.

CONTAGIUM SCABIOSUM vel applicatur corpori, vel in eo nascitur. Hinc primaria scabiei divisio est.

1. In *acquisitam*, quæ contactu vel concubitu scabiosi, aut gestatione chirothecarum, industrumve scabiosi contrahitur. Hæc in orphaniis, nosocomiis, & castris perpetuo præsto est, nec non capillamentariis, sartoribus &

textoribus familiaris observatur. Huc etiam *scabies inoculata* refertur.

2. In *spontaneam*, quæ sua sponte ab immundicie, habitatione humida, vietu acri, falso, pingui nascitur. Hæc difficilius quam acquisita curatur.

3. In *criticam*, quæ sua sponte tum acutis, tum chronicis morbis supervenit, & illos critice solvit. Huc etiam pertinet *scabies catamenialis*, quæ omni mense loco catameniorum erumpit.

Demum ratione indolis sequentes dantur scabiei *species*:

1. *SCABIES HUMIDA*. Pustulas rubellas, magnas & purulentas format.

Curatur ut inflammatio cutanea, purgantibus, antiphlogisticis.

2. *SCABIES SICCA*, quæ etiam *canina* dicuntur, vesiculos minores & rubicundiores, acuminatas, acri sero plenas, refert.

3. *SCABIES HERPETICA*, quæ vesiculos, in albos furfures abeuntes, habet. V. *Herpes*.

Curatio scabiei exigit:

1. *Purgantia mercurialia* sæpius repetita.

2. *Antiscabiosa specifica*, ut extractum enulæ vel fumariæ, conservam fumariæ, antimonium crudum, flores sulphuris, decoctum bardanæ.*

* Cel. JASSER sequentem pulverem omni vespere exhibet &c. flor. sulph. antimonii crudi, nitri depurati, rad. iridos florentinæ aa gr. vi.

*Externe adhibeatur Balneum ex aqua fluviatili,
Lotio totius corporis cum solutione sublimati
& sale ammoniaco, cum sapone, vel spec. emol-
lientibus, cum radice hellebori albi, aut lotio
cum enula. Unguentum ex sulphure, vel ex
præcipitato albo, vel helleboratum, aut quod
efficacissimum deprehensum fuit, unguentum
Jafferi ad scabiem.**

4. *SCABIES PUTRIDA.* Incipit cum vesicu-
lis crystallinis, admodum ardentibus & prurien-
tibus, quæ sensim inflammantur, atque in ul-
cera, magnam copiam puris plorantia, abeunt,
ac demum magnas crustas virido - cineritias in
toto corpore, nec facie excepta, formant. In-
ter crustas & excoriations latæ maculæ lividæ
& induratae conspicuntur. Circa vesperas febri-
cula & ingentes capitis dolores cum rigiditate
omnium articulationem observantur. Hæc sca-

* Ex vitrioli albi, florum sulphuris, baccarum lauri parti-
bus anaticis & oleo lini vel olivarum q. 5. ad unguen-
tum fluidum. Mane & vespere nucis avellanæ magni-
tudo palmis manuum infricatur. Dicit celeberrimus au-
thor præmissis purgantibus, balneis & pulvere ad sca-
biem intra 4 septimanæ inveteratissimam scabiem sine
omni subsequuo malo in aliquot centum militibus fuisse
sanatam. Vide *Cel. SCHMUCKER vermischt chir.*
Schriften 3. B. p. 169.

bies febres putridas sequitur , atque militibus
in ultimo bello valde infesta fuit. *

Curatur hæc scabies 1. purgantibus eccoproticis omni octiduo datis. 2. Balneis ex aqua, laete & sapone. 3. Oleo vitrioli diluto & interne dato. Guttæ aliquot hujus olei in decocto chamomillarum dari possunt. 4. Ulcera & cruxæ scabiosæ unguento albo camphorato emolliuntur.

5. *SCABIES TOPICA*, quæ in manu , vel alia tantum parte erumpit. Eam optime tollit recens herba *boni henerici* , bis de die imposita quæ magnetis adinstar omnem acrimoniam scabiosam ex sanguine extrahit.

6. *SCABIES VENEREA* , quæ in fronte & aliis locis papulas duras , in apice suppurantes cum maculis venereis format , curatur mercurialibus ut lues venerea. V. *maculæ venereæ*.

7. *SCABIES VERMINOSA* , ** est scabies, in qua vermiculi seu acari reperiuntur.

* Hanc scabiei speciem optime descripsit *Celeberrimus BALDINGER* , cui in morborum castrensem doctrina multum debemus , V. Viri hujus doctissimi librum *von den Krankheiten einer Armee*.

** In scabie vermes fuisse repertos , nemo , qui LINNÆUM hujus rei testem esse novit , in dubium vocabit , dicit *Illustr. MURRAY* in suo egregio opere de *vermibus in lepra obviis*. Sed hi vermiculi causa scabiei esse non videntur , sed solummodo morbus superveniens. Probabile videtur , quod , antequam scabies in cute erumi-

8. *SCABIES RETROGRESSA.* A scabie imprudenter retropulsa, vel frigore, vel adstringentibus repercussa, multi ac s^epe admodum refractarii oriuntur morbi, ut pertinax capitis dolor, vertigo, melancholia, mania, epilepsia, insultus apople^tici, paralyses, surditas, amaurosis, catarracta, fistula lachrymalis, & alii oculorum affectus, asthma, palpitatio cordis, anxietas, ventriculi & intestinorum dolores, obstructiones viscerum, hydrops, atrophia, rhachitis, oedemata membrorum, convulsiones, febres anomalæ, magna ulcera caeotha, magni abscessus subaxillares, & aliæ ægritudines.

Curatio scabiei retropulsæ exigit revocationem materiæ scabiosæ ad cutem, vel ejusdem eliminationem e corpore. *Revocatio* s^epe obti-

pat, corruptela quædam humorum semper præcedat, quæ si ad certum gradum pervenit, acaros in caseo vel farina latentes (nam ejusdem speciei sunt) allicit, ut in cute nidum quærant, & ratione sua & excretis liquidis malum reddant pejus. Observamus enim muscas naturæ instinctu eam modo carnem invadere, quæ jam putreficere incipit. Sic vermes, qui in intestinis nidulantur, non alios, quam quibus peculiaris ad eos recipiendos corporis constitutio est, vexant. Vedit *Illustr. LINNÆUS* in lupulo, quod, si ille a larvis phalænæ, radices erodentibus, morbidus factus fuerit, alphides accèdant, quæ liquido suo, quod ejiciunt, lupulum penitus perdunt.

netur *vesicatorio*, *emulsione camphorata*, vel
succo betulæ per mensem quotidie ad libram
epoto, *antimonio diaphoretico*, *sulphure*,
fuligine, *sulphure aurato antimonii*, *potu*
diaphoretico, *balneis calidis*, & fortí *frictio-*
ne articulationum.

His non succendentibus fiat *infectio voluntaria*,
dum ægrotus communi leðo, vestibus, indu-
siis & laquearibus ad detergendas manus sca-
biosi utatur, vel fiat *inoculatio scabiei*, quæ
ut inoculatio variolarum peragitur; vel *eva-*
cuetur materia morbosa excitato ulcere, quod
scarificatione, *setaceo*, *fonticulo*, *inustione*,
vesicatorio, *exutorio* peragitur.

V A R I O L Æ.

Sunt exanthema febrile, quod pustulas purulentas,
contagiosas pro illis, qui eas nondum passi sunt,
format.

SPECIES variolarum tum ratione indolis, tum figuræ,
tum periculi & decursus valde differunt.

Respectu FIGURÆ, quam variolæ exhibent, habentur:

1. *DISCRETÆ*, si postulæ singulæ toto morbi
decursu ab invicem distant.
2. *CORYMBOSÆ*, quæ congeriem pustularum
densissimarum, non autem in unam penitus
confluentium formant.
3. *COHÆRENTES*, quæ phalanges pustularum,
confluentium, solummodo hinc inde sistunt.

4. *CONFLUENTES*, in hac specie pustulæ quasi omnes in toto corpore tempore suppurationis in unam confluunt.
5. *CUSPIDATÆ*, pustulas acuminatas formant.
6. *UMBILICATÆ*, quarum pustulæ foveolam, seu *umbilicum* in summitate habent.
7. *MILIARES*, quæ pustulas pure vel lympha plenas, sed semen milii magnitudine æquantes, vel paulo maiores referunt.
8. *SILIQUOSÆ*, quæ vesiculas inanes ut siliquas fistunt, ob materiem morbosam ex pustula reabsorptam & interiora petentem.
9. *BULLATÆ*, quando variolæ aquosæ confluunt, faciunt *bullas* magnas seu vesicas lympha plenas, magnitudine nucis avellanæ, sub-in maiores.

RESPECTU MATERIAE in variolis contentæ dantur:

1. *VAEOLÆ PURULENTÆ*, quæ pus continent.
2. *VARIOLÆ LYMPHATICÆ* seu *CRYSTALLINÆ*, quæ vesiculas lympha crystallina plenas fistunt, siliquosæ, miliares, vel bullatæ esse possunt.
3. *VARIOLÆ VERRUCOSÆ* papulas duras, cuspidatas, verrucis similes, & materiem atheromatosam continentes, exhibent.
4. *VARIOLÆ SANGUINEÆ* seu *HÆMATEODEÆ*, pustulas nigras, sanguinem continentes & fundentes, cum fundo nigro granoso fistunt.

3. *VARIOLÆ PETECHIALES*, variolæ quæcunque, si in interstitiis variolarum, vel in ipsis variolis maculæ nigræ apparent, quæ materiem in pustulis contentam rubro colore tingunt, sic appellantur.

RESPECTU PERICULI & DECURSUS habentur:

1. *VARIOLÆ BENIGNÆ*, quæ regulariter decurrunt, nulla mala symptomata habent, & sine periculo sunt, variolæ discretæ, purulentæ, præsertim insitivæ ut plurimum sic se habent.
2. *VARIOLÆ MALIGNÆ*, sunt, quæ irregulariter decurrunt, quæ non maculosæ sed papulosæ erumpunt, mala symptomata & vitæ periculum sistunt, ut variolæ confluentes, sanguineæ, petechiales, siliquosæ.
3. *VARIOLÆ REGULARES*, quæ consueta sua stadia regulariter observant.
4. *VARIOLÆ IRREGULARES*, quæ ordinem consuetum decursus non servant.
5. *VARIOLÆ PRÆCURSORES*, aliquando contingit, ut aliquot diebus ante febrem, vel in ipso primo invasionis die, pustula una, vel plures majores in facie, vel collo vel alio loco erumpant, & confessim pus concipient, ut in duabus meorum infantum vidi. Hæ variolæ faustum morbi eventum præagiunt.
6. *VARIOLÆ INOCULATORUM*, quandoque inoculatores, & illi, qui variolas infan-

tum

tum multum palpitant, unam alteramve variolam in manu sibi contrahunt, licet variolas jam sint passi.

7. *VARIOLÆ NATURALES*, quæ infectio-ne naturali.
8. *VARIOLÆ INSITIVÆ*, quæ insitione mia-smatis variolosi contrahuntur.
9. *VARIOLÆ VERÆ*, quæ semel homines aggrediuntur, & intra 14 dies non finiuntur.
10. *VARIOLÆ SPURIÆ*, quas sub nomine *varicellarum* sequenti capitulo describam.

Variolæ veræ, benignæ, regulares *quatuor stadia*: 1 stadium *contagii*, 2 *Eruptionis*, 3 *Suppurationis*, 4 *Exsiccationis*, sistunt.

1. *STADIUM CONTAGII*, quod cephalalgia, lumbagine, nausea, vomititione, convul-sione quandoque & febre noscitur, ab ingre-fsu morbi ad 4 diem circiter durat.
2. *STADIUM ERUPTIONIS*. Quarto morbi die primum in facie & manibus, posthæc in reliquis membris puncta quædam rubra, nunc sparsim, nunc conferta, vel utroque mo-do usque ad 6 diem paullatim erumpunt, & febris atque reliqua symptomata contagii val-de minuuntur, vel penitus remittunt. Sed oris fætor peculiaris, totum conclave adimplens, oritur.
3. *STADIUM SUPPURATIONIS*. A sexto die maculæ cutis pus paullatim concipiunt, & in pustulas lenticularis magnitudinis lensim

elevantur. Ab 8 ad 11 diem pustulæ ulterius ad pisí magnitudinem assurgunt, & depresso hactenus verticem dimitunt. Febris rursum aliquantum increscit, facies nonnihil tumet, fauces dolent, oculi inflammantur, & pustulæ suum balonem rubrum amittunt.

4. *STADIUM EXSICCATIONIS.* Jam per reliquos 4 dies pustulæ maturæ & flavescentes partim siccantur, partim rumpuntur, & in crustas abeunt, quæ vel sponte defluunt, vel ab ipsis ægrotis decerpuntur. Maculæ autem subrubræ in locis delapsarum crustarum subinde per medium annum adhuc remanent, in multis cicatrices seu foveolæ in cute, præsertim faciei, relinquuntur.

CAUSA PROXIMA variolarum est peculiare miasma; morbus ut plurimum epidemice graffatur, & qui semel eum est expertus, rarissime altera vice illo prehenditur.

Curatio interna variolarum indicatur a febre, quæ illas comitatur. Vide Practicos Authores, qui de *febre variolosa* scripsierunt.

Externa variolarum *remedia* sunt hæcce:

1. *Semicupium calidum*, ex aqua & lacte egregie difficultem eruptionem promovet.
2. *Palpebrarum coalitus* impeditur *lacte calido*, quo oculi frequenter per diem & noctem elui debent.
3. *Pustulæ in cornea aqua saturnina* impediuntur.

4. Ardor faucium *gargarisme* acido, ut syrupo ribium, & spiritu nitri dulci facto, lenitur.
 5. Pustulæ maturæ aciculis, vel forficula aperiuntur ad evitandas erosiones cutis & absorptiōnem puris. Facta incisione lactis tremor applicetur.
 6. *Crustæ aridæ*, quas variolæ confluentes formare solent, lacte calido emolliri, & dein cerato contegi debent.
 7. *Maculæ*, post variolas residuæ, optime tolluntur oleo been, vel, si aliquoties de die ope penicilli liquore, qui ex aquæ roscarum unciis octo, & spiritus vini camphorati uncia dimidia constat, illinantur.
 8. *Facies* a variolis præservatur pediluviiis lacteis, atque sinapismis, quæ remedia a die invasio- nis ad initium suppurationis usque adhiberi debent.
- Fonticuli, vesicatoria nuchæ applicata, fomentationes faciei ex aqua calida vel frigida, aut jure carnis vervecinæ, itemque inunctio ejusdem cum lardo, vel oleo lini, nec non spi- rituum applicatio, aut rasura capillorum, & hirudinum applicatio merito ab *Illustr. & Expertissimo Professore VOGEL* damnantur.
9. Neque mercurius vivus aut moschus in amuleto corpori applicatus speratum edidit effectum.

10. Optima variolas bonas producendi methodus est inoculatio variolarum , sic ex centenis vix unus moritur , aut multum defædatur.

V A R I C E L L Æ.

Seu *variolæ spuriæ* sunt variolæ , quæ ut plurimum sine notabili febre erumpunt , & intra octiduum jam cursum suum absolvunt.

Differunt a variolis veris , quod febrem vix præcedentem habeant , 2 primo die invasionis erumpant , 3 a variolis veris ægrotos non præseruent , 4. Sæpius hominem aggrediantur , 5. Intra octiduum vel citius suum cursum absolvant , variolæ enim veræ decursus 14 diebus indiget , 6. raro cicatrices relinquant , & tunc maxime pro veris imponunt.

SPECIES VARICELLARUM sunt :

1. *VARICELLÆ LYMPHATICÆ*. Sunt pustulæ discretæ , veris simillimæ , jam primo morbi die formantur , humorem continent tenui muco albicanti similem , tertio die siccantur , & ab hoc usque ad septimum decidunt.
2. *VARICELLÆ VERRUCOSÆ* sive *acuminatæ*. Papulas acuminatas , rubras , verrucis simillimas , supra cutem prominentes , in quibus nullus humor est , referunt , & septimo die evanescunt.
3. *VARICELLÆ DURÆ OVALES*. Tuberula formant dura , ovalia , obscure rubentia,

halone rubro cincta, verisque variolis paulo majora sunt. Post duos vel tres dies nonnihil exulcerantur, & tandem cum nigrore exarscent, denique pallescent & subsident. Aliquando sub exsiccatione primo erumpentium iterum novae erumpunt, & sic morbus ad aliquot septimanas protrahi videtur.

4. *VARICELLÆ EMPHYSEMATOSÆ*, quæ vacuæ sunt ut siliquosæ, seu aërem continent.

Variolæ spuriae haud raro epidemice grassantur, veris aliquando succedunt, aliquando præcedunt, rarius contingit, ut inter veras erumpant. Periculi fere semper expertes sunt.

Curatio lenia purgantia & diluentia exigit.

T E R M I N T H U S.

Pustulæ nigricantes & ardentes, quæ maxime in cruribus fæminarum observantur, *terminthi* vocantur.*

Mox desinunt in crustas, quibus detracitis pus emanat.

TERMINTHI NEUNATORUM. Constant ex pustulis majoribus, quæ *lividam aquam* continent, & halonem rubrum habent. Apparent primo ad inguina, inde ad umbilici viciniam, axillas & di-

* Nomen habent a ciceribus sive *terminthis*, quos figura & magnitudine referunt.

gitos, & post tres quatuorve dies exsiccatæ decidunt. *

Subinde epidemice occurrunt, periculo fere carent, nisi maximus eorum sit numerus.

Curatio exigit lenia laxantia. Vesiculæ diffecari & dilutissima aqua vulneraria elui, & dein semine lycopodii conspergi possunt.

CLASSIS III. VESICULÆ SEU PHLYCTENÆ.

Sunt tumores exigui, qui pellucidi sunt & non pulsant pustulæ, sed aquam, vel serum saniosum continent, atque rupti vel exsiccantur in crustas, vel excoriantur.

S U D A M I N A.

Sunt vesiculæ granis milii magnitudine & forma similes, subito absque febre erumpentes. **

SPECIES sunt:

1. *SUDAMINA ALBA*, quæ sunt vesiculæ concolores cuti, pungentes, & fugaces, quæ æstu aeris aut leði sæpe excitantur.

2. *SUDAMINA RUBRA*, sunt vesiculæ rubræ granis milii magnitudine similes, quæ juvenes & calidos viros potissimum tempore æstivo aggrediuntur.

* Ideo germanis vocantur *Schälblassen*.

** Græcis vocantur *hydroæ* vel *boæ*.

3. *SUDAMINA BALNEANTIUM*, sunt vesiculae miliaribus similes, quæ in diu balneantibus erumpunt.

Curatio exigit victum refrigerantem. *Balneum* ex aqua fluviatili, quod eruptionem ab initio promovet. *Lotionem* ex aqua camphorata.

M I L I A R I A.

Sunt exanthema febrile, quod vesiculos granis milii similes format.

Miliaria continent humorem lymphaticum, qui vel excolor est, vel rubellus, pellucidus vel opacus, hinc vocantur *miliaria alba, rubra, pellucida, opaca*.

SPECIES miliarium sunt :

1. *MILIARIA FEBRILIA*, quæ cum febre erumpunt.
2. *MILIARIA LACTEA*, quæ in puerperis, a lacte sano in cutem deposito, oriuntur, sunt alba, & opaca.
3. *MILIARIA CHRONICA*, quæ sine febre in scorbuto & aliis morbis erumpunt. V. *Sudamina*. De *curatione* miliarium vide authores de febre miliari. *

H Y D A T I S.

Est vesicula sphæroidea, pellucida, indolens, quæ pisí magnitudinem habet.

* V. GESNER *Sammlung von Beobachtungen* 3. Band
S. 104.

Magnitudine differt a sudamine. Sæpius solitaria, quam agminata apparet, in tarsis palpebrarum frequenter observatur.

SPECIES sunt:

1. *HYDATIS CUTICULARIS* est epidermidis elevatio in vesiculam aquosam sphæroidem.

Curatur incisione vesiculae & exsiccatione.

2. *HYDATIS CELLULOSA*, est telæ cellulose degeneratio in vesiculos aquosas, id observatur in quibusdam ulceribus & tumoribus. V. *hygroma hydatitosum* in doctrina tumorum. *

VESICULÆ CRISTALLINÆ GENITALIUM.

Sunt vesiculæ pellucidæ, aquosæ & dolentes, quæ in phymosi & paraphymosi glandi, vel præputii superficie internæ insident.

Hydatidibus sunt similes sed dolentes. Sensim rumpuntur & exanitæ corrugantur, aut in ulcera venerea abeunt.

In fæminis autem ex tumidis labiis, nymphis, clitoride ejusque præputio, & ex vagina prodeunt.

Curantur solutione sublimati vel balsamo mercuriali, si interne simul mercurius gummosus adhibeatur.

* Cel. GRASHUIS tentamen de colica pidonum, cui accedit disquisitio de natura & origine hydatidum.

U R I T I D E S.

Sunt vesiculae latæ, rubræ, & admodum prurientes, quæ in apice crepant, & ichorem acrem, fundunt.

Ut plurimum crura, rarius brachia afficiunt.

Dividuntur in *nocturnas* & *diurnas*.

1. *URITIS NOCTURNA*, quæ etiam *epinydis* vocatur, sifit vesiculos atrorubras, noctu potissime acriter prurientes. Differunt a terminis, quod ichorem & non pus contineant.

2. *URITIS DIURNA*, quæ *haemeropathos* dicitur, format papulas rubentes, crura obsidentes, quæ extra lectum illico apparent & importune pruriunt, in lecto autem evanescunt.

Curatio exigit purgantia & lotiones ex aqua vegetominerali vel appositionem medullæ citri.

C L A S S I S I V . B U L L Æ.

Sunt magnæ & latæ elevationes epidermidis a cute, quæ vesicas repræsentant magnas.

In hanc classem pertinent.

P H Y M A.

Est bullæ pure plena, quæ ut plurimum solitaria hinc inde oritur.

Furunculo est similis, sed planior, mollior & illico suppurans.

Nascitur a depositione puris intra cutem & epidermidem. In pueris & in scabiosis has purulentas bullas frequenter vidi. Nullibi frequentius quam in apicibus digitorum sub nomine *panaritii bulloſi* occurruunt.

Curatur incisione, & elutione cum aqua vulneraria diluta.

BULLA SOLITARIA.

Est vesica magna, humorem aquosum continens, quæ ut plurimum solitaria appetet.

SPECIES bullarum sunt :

1. *BULLA VESICATORIA*, quæ emplastro vesicatorio excitata fuit. Incidenda est, ut aqua glutinosa effluat, sed epidermis non detrahatur. Alias dolentissima fit excoriatio cutis. Emplastro diachilon simplici effluxus seri ad aliquot dies conservari, emplastro albo camphorato excoriatio sanari potest.
2. *BULLA EX AMBUSTIONE*, seu ab affusa aqua fervida. Incisa vesica applicetur unguentum album.
3. *BULLA A FRIGORE*. Incisa vesica applicetur unguentum ad perniones.
4. *BULLÆ GANGRÆNOSÆ*, quæ in partibus gangræna humida affectis cernuntur, & aqua putrida cadaverosi odoris repletæ sunt. Antisepticis ut gangræna curantur.
5. *BULLA PEDICULARIS*. V. *Malis pedicularis*.

6. *BULLA VARIOLOSA.* V. *Variolas bullatas.*

7. *BULLA ARABUM* est bulla sua sponte orta, in diu durantem at exiguam excoriationem cutaneam, cutem sine dolore corroden tem abiens. Folia solani nigri contusa per triduum applicata certissimum sunt remedium. *

8. *BULLA DOLENTISSIMA* est bulla sua sponte excitata, in dolentissimum, at exiguum & diu durans ulcerulum cutaneum abit. ** Tentetur applicatio contusorum foliorum solani nigri.

P E M P H Y G U S.

Vesicæ ichorofæ, quæ nucis avellanæ magnitudinem habent, & ut plurimum in variis partibus erumpunt, sic vocantur.

SPECIES sunt:

1. *PEMPHYGUS FEBRILIS*, qui cum febre putrida erumpit. Vesicæ per plures dies manent, tandem rumpuntur & sero ichorofo effuso in maculas atrorubas, crusta nigricante circumdatas, abeunt. Subinde hæ vesicæ gangrænescunt.

Curatio exigit primis viis evacuatis antiseptica & acetum bezoardicum.

2. *PEMPHYGUS APYRETUS*. Hicce morbus in pauperibus fordide & malo viatu viven-

* Cel. FORSKAL desc. plant. c. 2. p. 46.

** Ill. LORRY trad. de morb. cutan. p. 424.

tibus sine notabili febre subinde cernitur. Ace-
tum camphoratum prodest.

3. *PEMPHYGUS A TACTU COLUBRI BICEPHALI*, qui, si vivus vel mortuus tan-
gitur, apud brasilienses excitat vesicas magnas
ichorosas, quæ tribus mensibus durare solent.

4. *PEMPHYGUS CRURUM*. Pinguibus, &
qui ulcera inveterata in cruribus habent, at-
que sub sanatione fracturæ cruris sæpe multæ
& magnæ vesicæ aquosæ oriuntur in cruribus.
Curatio exigit incisionem vesicarum & elutionem
cum aqua vulneraria diluta.

CLASSIS V. PAPULÆ.

Sunt tumores exigui sed duri, qui vel resolvuntur vel
ex apice quid humidi ejiciunt, & dein desquam-
mantur.

Differunt a *pustulis*, quod non in suppurationem ab-
eant, a *vesiculis* quod non sint aquosæ; sedere
videntur in glandulis cutaneis.

SPECIES papularum sunt.

VARI seu JONTHI.

Sunt tubercula rubra, dura & exigua, quæ fere tan-
tum in facie hinc inde oriuntur.

Diu permanere solent, nec dolent, nec pruriunt,
nec in suppurationem, ut pustulæ faciei solent,
abeunt.

Juvenibus vi^ctu crasso utentibus, & spermaticis sunt familiares, circa adolescentiam evanescere solent.

Curatio exigit purgantia salina & decocta herbacea resolventia.

Externe lotio faciei cum aqua salita conductit. Matrimonium varos curat.

GRUTUM sive MILIUM.

Est tuberculum faciei albissimum & durissimum, sed admodum exiguum, quod magnitudinem, colorem & duritatem gruti seu milii refert.

Compressione cutis totum tuberculum, quod statim sub epidermide sedem habere videtur, exprimi potest.

Diffrerit grutum ab herpete miliari, quod hic agmentalium papularum referat, grutum autem papulas solitarias.

Causa videtur esse materia atheromatosa in cutem deposita. *

Curatio exigit expressionem gruti ex cute.

HERPES seu SERPIGO.

Est papularum chronicarum ichorofo-squamosarum semper ulterius serpentium agmen. **

* Vulgi præjudicium est, grutum cum jure comedendum per cutem iterum efflorescere.

** D. PITNER diff. de herpcte. Budæ. 1780.

SPECIES herpetis sunt:

1. *HERPES SIMPLEX*, noscitur papulis rubris, pruriginosis, furfuraceis in cute non multum serpentibus, nec eam profunde exedentibus.
2. *HERPES EXEDENS* seu *ferus* seu *esthiomenos*, est herpes qui cutem simul profunde exedit, hinc hic herpes vel simpliciter *ulcerosus*, vel si ulceris labia retorida & dura valde sunt, *cancrosus* est, qualis saepe in facie observatur.
3. *HERPES MILIARIS*, est agmen papularum, quarum apicirupto inhæret mollecula subrotunda, flavescens, grano milii similis, unde nomen.
4. *HERPES PUSTULOSUS*, est herpes cum pustulis vel vesiculis complicatus.
5. *HERPES SYPHILITICUS*, est herpes, qui a miasmate venereo excitatur, auribus & capillatæ capitum parti insidere solet, noscitur symptomatibus venereis, & curatur mercurialibus externis & internis.
6. *HERPES SPURIUS*, qui a causa externa citra acrimoniam internam oritur ut:
 - a. *Herpes periscelis* est herpes, qui popliteum, ubi zona vinciri solet, infestat, vocatur etiam *zona herpetica*, & a zonæ vindictura oriri solet.
Curatur zona remota.
 - b. *Herpes collaris* est herpes, qui collum in forma zonæ circumdat. Collum Ecclesiasticorum,

qui collare acri tinctura vel smalta cærulescen-
te coloratum gerunt, afficit.

γ. *Herpes cerdonum*, qui a sorditie, qua pedes
cerdonum perpetuo alluuntur oritur.

δ. *Herpes a tactu Toxicodendri*.

CAUSA MATERIALIS herpetis est peculiaris acrimoniam
biliosem chronica in glandulas cutaneas deposita.

CAUSÆ REMOTÆ sunt. Vitium in hepate, ingesta acria
præsertim piperata, suppressa evacuatio sanguinis,
vel perspirationis, cachexia varia, præser-
tim scorbutica & venerea, materia febrilis, re-
gio palludosa depreressa, labes hæreditaria, con-
tagium.

PROGNOSIS. Herpes quandoque criticus est. *Exedens*
in cancrum nervosum quandoque abit. *Retro-
pulsus* pessimos quandoque producit morbos: in-
flammationem pectoris, phthisin, tumorem can-
croidem &c.

Curatio requirit purgantia & depurantia sanguinis se-
rum. Mercurius vivus cum sulphure aurato præ-
primis se commendat. * In herpete exedente
acidum vitrioli interne & externe adhibitum,
efus pomorum acidorum profuit. ** Fumaria,
sarsaparilla, dulcamara, jus viperæ, antimonialia,
cicuta, spiritus salis acidus, mercurius gummosus,

* SCHMUCKER vermischt chirurg. Schriften. S. 63.
B. I.

** Collectanea Societatis medicæ Havniensis T. II. p. 1.

dulcis, sublimatus, aquæ martiales acidulæ, cortex peruvianus cum ascleclis mixtus.

Externe oleum tartari per deliquium, aut unguentum rosaceum cum sulphure, mercurio præcipitato albo, vel floribus zinci, aut benzoës laudatur. Nec non radix lapati in aceto macerata, thermæ sulphureæ, aqua marina, aqua vegeto mineralis cum spiritu vitrioli, balneum e scoriis metallorum, solutio ex vitriolo albo, sale communis, sulphure, alumine. Aqua stillatitia e succo pomorum borsdorffensium. Folia boni henrici, oleum palmæ. Creta cum lactis cremore, plumbata, mercurialia præsertim solutio sublimati, fonticulus, caustica, lavatorium ex radice hellebori albi & his medicamentis non sufficientibus, emplastrum vesicatorium super parte herpetica applicatum, efficacissima herpetis remedia deprehendi. *

CUTIS ANSERINA.

Cutis subito & ubique innumeris tuberculis, minimis, pallidis, repletur, qualia in cute anserum observantur.

CAUSA PROXIMA est contractio textus fibrosi cutanei, quæ papillas cutaneas protrudit.

Hinc a frigore ad corpus calefactum admisso, a terrore, a spasmo cutaneo febris intermittentis, & etiam post mortem in cadavere observatur.

* BLOCHS, *medizinische Bemerkungen* S. 97.

Curatio. Est morbus fugax, calore brevi & sua sponte evanescens.

T U B E R C U L U M.

Est tumor induratus, subcutaneus, cuti concolor, papula major, non tamen adeo magnus, ut ad tumores magnos referri potius possit.

SPECIES tuberculorum sunt:

1. *T U B E R C U L U M S C I R R H O S U M*, quod induratio seu scirrus glandulæ subcutaneæ est, sed benignus, indolens, & cuti concolor. Cancer mammarum sæpe a parvo tali tuberculo, per multos sæpe annos quiete hærente, incipit, quod cessantibus menstruis, aut irritatione externa sæpe in magnum carcinoma mutatur.
2. *T U B E R C U L U M C A N C R O S U M*, quod etiam *noli me tangere* vocatur, est parvum tuberculum in facie, rubrolividum, quod per multos annos quietum manet, si vero medicamentis multum irritatur, dolere incipit & in pessimum cancrum nerveum faciei abit.
3. *T U B E R C U L U M C I S T I C U M*, est parvus tumor subcutaneus, atheromatosus vel sevissus, qui sæpe per totam vitam vel manet, vel in atheroma abit.
4. *T U B E R C U L U M S C R O P H U L O S U M*. Scrophulæ colli cum parvis talibus tuberculis, quæ circa venam jugularem externam rosarii adinstar descendunt, incipiunt.

5. *TUBERCULUM LEPROSUM.* Format lepra tubercula squammosa & crustosa in toto corpore & facie. V. *lepra*.
6. *TUBERCULUM SARCOTICUM.* Mollia, rubra & indolentia talia tubercula s̄epe magno numero in naso propullulant.
7. *TUBERCULUM HYDATITOSUM.* Hydatides subcutaneæ, in scroto vel sub mamma nascentes, globulos rotundos & durissimos referunt.
8. *TUBERCULA PANNOICA*, quæ ab Hungaris *Tsömör* vocantur; languore, & nausea prægressa oriuntur tubercula, quæ tactu manifestantur, circa tempora, in dorso, nucha, brachiis, præsertim in collo & carpo manuum.
Curantur laxantibus, & dein datis diaphoreticis.
Externe convenit frictio tuberculorum cum allio & aceto vini. *
- Curatio.* Tubercula juxta indolem tumoris, quem referunt, curari debent. Vide *Doctrinam de tumoribus*.

PHYGETHION.

Est tuberculum rubrum & dolens, quod varo majus, furunculo minus, & phymate durius est.
 Sæpe circa anum tale tuberculum oritur, quod male tractatum in fistulam ani abit.

* BATY *Specimen morborum Hungaricis endemiorum*.

Curatio exigit purgantia & externe aquam vegetomineralem.

L E P R A.

Est morbus in quo cutis præsertim faciei rugosa, & aspera evadit, atque tuberibus magnis rubro-lividis & rimosis deformatur, cum extremorum artuum insensibilitate & voce rauca nasaliter.

Signa. Incipit morbus cum una rarius pluribus maculis minimis: morbus incipiens ex cutis insensibilitate & maculis rubro-pallidis, acus puncturam vix superantibus, quæ ægre a lentigine distinguuntur, quod tamen ope acus adhibitæ, quæ infixa nullum dolorem excitat, & animadversione, an increscat, fieri potest, noscitur.

Hæ maculæ sine omni inflammatione & elevatione sed potuis cum depressione paullatim dilatantur.

Simul cum maculis auricularum lobi intumescunt & indurantur, atque in toto ambitu subinde tuberculis cinguntur. Deinde nares, labia oris & universa facies turgescant & rubore quodam quasi cinnabarino inficiuntur, progressu temporis ad cœruleum vergente, & in vetustiori morbo lividore evadente. Cutis præterea adest insensibilis, & in rugas obdurescentes corrugatur.

Excreta sana sunt, urina tamen pallidula, muriam halecum olet, citoque putreficit. Sic morbus quandoque sine notabili incremento per X vel XX an-

* *Cel. SCHILLING, de lepra. Lugd. Batav. 1778.*

nos subsistit. Si vero non bona adhibeatur diæta,
tunc

Maculæ leprosæ a facie per universum corpus ad plantas pedum usque erumpunt, atque in tubera, habitum corporis mirifice deformantia, surgunt. Maxime sub unguibus nascuntur vesiculæ, apices digitorum crassescunt & sensum amittunt, serpit e prima phalange malum in alteram citra dolorem, atque ossicula absque dolore delabuntur.

Interdum universum corporis integumentum induratur & ob transpirationem penitus suppressam intumescit in leucophlegmatiam. Accedunt ulcera anodyna, quæ densis crustis brevi labentibus & renascentibus obteguntur. Hæc ulcera interdum, quum cutis in toto maculæ ambitu consumpta esset, sine ulla medela consolidantur, dum paullo post aliæ maculæ prodeunt, quæ pariter exulcentur. Quidquid e corpore humoris transpirat, intolerabiliter fœtet. Pertinax adest obstipatio, excrementa sunt nigra, valde sicca. Urina rufa, uroscopiis tenaciter adhærens. Sitis perpetua: lingua semper sicca, interdum nigris crustis tecta, & hinc inde quasi rimosa. Sanguis admodum tenuis, exiguum seri copiam dimittit, & ex vena missus putridum olet, cruoris globuli sunt albi. Stimulus ad venerem assiduus & cum genitalium pruritu ad mortem usque non coërcibilis.

CAUSA PROXIMA est miasma seu acrimonia sui generis, lentam putredinem humorum & languorem cutis & extremorum inducens. Morbus inter Arabes,

Aegyptios, Abyssiniam & Americam meridionalem endemius, & frequens est. Contrahitur a parentibus & per ubera, coitum, habitum, & sudorem subjecti morbos: etiam domicilia infecta aliis sunt contagiosa.

Causæ excitantes esse censemur eis carnium semi-putridarum: vietus piscium & porcorum pinguium leprosorum: potus aquæ multis piscibus putrescentibus repletæ: tempestas constans calida, sicca vel in summo gradu humida. Terror, veneris abusus, refrigeratio contagium jam receptum citio & saepe intra unam noctem evoluunt.

Prognosis. Lepra est vera crisis virus leprosi, hinc toleranda. Recens curabilis, adulta incurabilis est.*

Curatio exigit, ut causæ excitantes & causæ morbum adaugentes fugentur.

Crisis per cutim promovenda ope balneorum tepidorum, bis in septimana ad 15 horæ minuta usurpatorum, dein quotidie bis adhibitorum, cum emollientibus & leniter detergentibus: ut hepate sulphuris in aqua soluto, exercitatione & vino promotis per trimestre adhibitis.

Ulceræ tintura aloes, myrrhæ & succini diligentur.

Calli cutis unguento de althea & enulae emollientur.

* Facilius sanatur lepra, quæ totum corpus, quam quæ solum partem afficit. Acida & mercurialia leprosisnoxia sunt.

Si morbus fugatus , corpus roborandum interne & externe per suffumigia. *Antileprosa* interne danda In sanatis maculæ distinctæ non amplius increscentes a lepra remanent.

Curatio interna tentari potest ledo palustri * , æthiopæ minerali , antimonio , croco martis , lacte , purgantibus.

Externe adhibeantur solutio salis ammoniaci , balnea sulphurea , martialia , helleborata , & inungantur crustæ butyro , vel unguento ad lepram. **

LEPRA ASTURIENSIS , est lepra Asturiensibus endemia , in qua crustæ æstivo tempore delabuntur & cicatrices coloris rosei , infra cutis libellam depresso , lucidas & per vitam durantes reliquunt. Malum insanabile censemur.

* *Schwedische Abb.* 35. vol. *Cel.* O D H E L I N S casum refert ancillæ lepra nodulosa affectæ , in qua ex infuso ledi palustris seu roris marini sylvestris nodi sensim resoluti fuerunt.

** *Florentiae* in nosocomio S. E U S E B I I leprosi omni altero die inunguntur & sic sine alio fere remedio curantur , sequenti unguento : R. Lardi & butyri majalis aa $\frac{1}{2}$ iij. Terebinthinæ $\frac{3}{4}$ xiv. ceræ albæ $\frac{3}{4}$ vj. liquefiant lento igne ; dein adde , mercurii præcipitati rubri $\frac{3}{4}$ j. Salis communis succi & merc. sublimati corrosivi aa $\frac{3}{4}$ ij. Succi limoniorum & spiritus aceti aa q. s. pro unguento formando. V. G A L E O T I *Dissertatione sopra les malattie , che si curano nel regio spedale di S. E U S E B I O con i rimedi soliti usarsi nel medesimo.* FIRENZE 1771.

Denum multi alii morbi cutanei, qui pertinaces sunt
& totum fere corpus occupant, nomine lepræ ab
Authoribus denotantur, ut

1. *LEPRA HERPETICA*, est herpes crustaceus in toto corpore. V. *Herpes*.
2. *LEPRA SCABIOSA* est scabies putrida, quæ etiam totum corpus occupat. V. *Scabies putrida*.
3. *LEPRA FUNGIFERA*, quæ excrescentias fungosas format. V. *Frambæsia*.
4. *LEPRA SQAMMOZA*, quæ ubique squammas producit. V. *Ichtyosis & impetigo*.
5. *LEPRA MACULOSA*, seu *VITILIGO* quæ maculis depresso, albis vel nigris tantibus cutem defædat. V. *Alphos & Melas*.
6. *LEPRA ELEPHANTIACA* seu *ARABICA*. V. *Elephantiasis*.
7. *LEPRA SETOSA*, vide *hystriciafis*.
8. *LEPRA TOPICA*, quæ unam solummodo partem afficit.

E L E P H A N T I A S I S.

Est lepra, quæ potissimum pedes afficit. *

Signa. In pede adfecto phalanges officularum paullatim intumescunt, cutim & carnes mirum in modum expandunt, crassescunt digiti, tandemque colliquescunt ceræ ad instar, unde a levissima causa hæmorrhagia, sponte & cito iterum cessans

* Cel. SCHILLING de lepra. Lugd. Bat. 1778.

Serpit malum ad femur usque, contracturam articulorum efficiens. Simul panniculus adiposus & cutis in plicas & rugas ita sensim se componunt, ut pedis elephantini formam omnino referat. Demum cruribus deformatis & manuum digiti circa articulos tument, & successive soluti cadunt, inde absque dolore ulcera primo faciem & dein carnosas partes cum intolerabili fœtore depascuntur.

Anatome in amputato ejusmodi crure nulla periostii externi & medullæ ossium vestigia, nec ulla cavitates ossium deprehendit. Nulla ferme vasa vel sanguifera vel lymphatica in partibus internis observantur, eaque in corrugata cute sunt varicosa & fere inania, ambo cruris ossa & ossa pedum quasi in unum confluxerunt, & arteria interossea est deleta.

Prognosis. Morbus incipiens subinde curatur, morbus autem inveteratus, insanabilis est.

Curatio morbi incipientis tentatur balneis sulphureis, quibus cicuta, helleborus albus & globuli martiales adduntur. Dein plurima loca recentibus foliis boni Henrici obtegantur, etiam vesicatoria, & lotio partium cum spiritu vini aquoso, sale tartari & spiritu salis ammoniaci in hunc finem laudantur.

Interne purgantia, aquæ martiales, juscula viperina, fumaria, sarsaparilla, saponaria, chærophillum, agrimonia, radix dulcamarae, lapathum acutum, cortex Winteranus, cortex radicis sassafras & pe-

ruvianus * laudantur, nec non antimonium crudum, atque tinctura cantharidum. **

CLASSIS VI. CRUSTÆ.

Sunt cuticulæ mutationes in corpus siccum, emortuum, crassiusculum, a cute deciduum vel ei adhærens.

Nascuntur ex solidis & fluidis cum glutine morboſo exſiccatis.

SPECIES crustarum sunt:

C R U S T A.

Est corpus emortuum, siccum, fusco nigrum, a cute sine suppuratione deciduum, solam epidermidem afficiens.

SPECIES CRUSTARUM sunt:

1. *CRUSTA ULCERUM*, ex ulcere male sanato ſæpe gluten exſudat, quod locum ulceris tali cruxa obtegit.
2. *CRUSTA SCABIOSA*, in scabie ſimplici tenues, & glabræ, in putrida autem crassæ oriuntur tales cruxæ, quæ virides atque pilosæ ſunt, ſua ſponte decidunt.
3. *CRUSTA VARIOLOSA*. Exſiccatae variolæ in cruxas abeunt, vel ſua ſponte deciduas, vel ab ægrotis decerpendas.

* Artzneykundige Abhandlungen von dem Collegio der Aerzte in London. 1. B. 18. S.

** MURRAY de vermis in lepra obviis, juncta leproſi historia.

4. *CRUSTA CANCROSA*, quæ cancrum nervosum subinde ad dīgitī crassitiem comitantur. Unguento mercuriali emollitur.

5. *CRUSTÆ LEPROSÆ*. V. *Lepra*.

Curatio crustarum exigit ut crustæ lacē emollientur, & dein deglubantur.

E S C H A R A.

Est corpus subhumidum, fuscum vel nigrum, quod ipsam cutem afficit, & hinc ab ea sine suppuratione non separandum.

Ignis, fulmen, lapis causticus, carbunculus & gangrena ficca cutem adeo in escharam mutare valent.

Curatio exigit pinguia & emollientia, subinde scarificationem, ut ope suppurationis natura facilius escharam a partibus sanis separare possit.

ACHORES seu SCABIES CAPITIS.

Format ulcera crustosa, humida, in capillata capitis parte.*

SPECIES hujus scabiei sunt:

I. *SCABIES CAPITIS SIMPLEX*. Incipit densissimis granulis ac si ex cute grana milii prominenter, hæc granula rumpuntur, & exsudans gluten in toto capillitio ulcera crustosa format; crustæ hæ sunt ubique foraminosæ, ac si tineis essent erosæ. Hinc hæc scabies ca-

* D. MIHR diff. de achoribus. Budæ 1783.

pitis etiam *tinea benigna* dicitur. Humiditate scabies capitis a tinea vera differt.

2. *SCABIES CAPITIS FAVOSA*. Format ulcera, quæ ob foramella ampliora alveolis favi, melle albido turgidis, similia sunt. Incipit vesiculis purulentis, in capillitio sine prævia inflammatione ortis, quæ sponte vel levi digitorum pressione crepant, & pultem albidoflavescentem fandunt, atque exsiccatæ squammas gryseas relinquunt.

3. *SCABIES CAPITIS FICOSA*. Si ulcera capillitii in foveolis suis purulentis granula flava, qualia in ficu discissa semina sunt, habent, *ficosa* vocatur scabies.

4. *SCABIES CAPITIS LUPINA*. Exhibit ulcera sicca, quæ marginata sunt squammis callosis, seu lupiorum aut cicerum instar capitata & incrassata.

CAUSA PROXIMA est mucus animalis acescens ac rancidulus. *

CAUSÆ REMOTÆ sunt ætas tenera præsertim ablactata, rarius ætas adulta. Diæta prava, labes hæreditaria, metastasis humoris retenti, menstruatio suppressa.

PROGNOSIS. Scabies capitis est critica evacuatio humoris acrimoniosi, qui per glandulas capillitii excernitur. Hinc est morbus infantibus salubris,

* *Cel. LORRY de m. cut. p. 439.*

sed neglectus & diu durans cranii ossa inficit, & tunc difficilime sanatur.

Scabies hæcce pruritu, dolore & ingenti fœtore infantes molestat, pallorem faciei, noctes insomnes, maciem quandoque cum febre hectica causat, & ob pectinationis vel defectum, vel difficultatem ingens pediculorum copia nascitur. Scabiei excretio frigore vel exsiccantibus *suppressa* pessimos oculorum, cerebri aut pulmonum morbos procreat, ut febrem, cæcitatem, ophthalmiam, epilepsiam, convulsionem, glandularum colli intumescentias, tussim, phlysim, anaſarcam, hydrozem cerebri, apoplexiā.

Curatio exigit 1. *tonsuram capillitii*, & *pectinationem* cum scopula setacea.

2. *Lotionem capillitii* cum aqua furfurum vel hordei cum melle, vel cataplasma ex farina ave næ cum aqua & butyro, folia boni Henrici vel brassicæ crispæ viridis capiti applicata, nasturtii succum cum pinguedine anseris, camphoram lacte solutam.

3. *Purgantia* saepius repetita.

4. *Decocta purificantia* ex bardana vel lapatho, & fumaria. Aquas acidulas martiales, cort. peruvii.

5. *Caput semper mitris & linteis calidum* servetur, *Diæta* observetur salubris.

Scabies capitis *retropulsa* exigit sinapisum, vel vesicatorium abraſo capiti imponendum, ut revo-

cetur scabies, vel denique novam infectionem ope applicatae mitræ scabiosæ.

CRUSTA CAPITIS NEUNATO-RUM.

Est crusta sicca, & crassa, quæ in infantibus brevi post partum verticem & sinciput tegere, & saepe medium per annum durare solet.

Curatio. Præter purificationem cum scopula setacea nihil tentetur, nam suo tempore sponte evanescit.

CRUSTA LACTEA.

Est eruptio crustarum in genis vel alio faciei loco.

1. *CRUSTA LACTEA INFANTUM.* * Erumpunt in genis pustulæ latæ vel acutæ, humore limpido, glutinoso plenæ, quibus ruptis liquor effluit glutinosus, tenax, cuti adhærens, qui crustam flavo - rubram efficit. Crusta ipsa saepe finditur, eque fissuris humor glutinosus, crustæ crassitiem & duritiem augens, effunditur. Cutis ipsa adfecta dura redditur & partes subjectæ intumescunt. Tumidæ simul sunt glandulæ jugulares, raro parotides. Aliquando crustæ ejusmodi serpunt ad auriculas, aut e mento erumpunt, imo quandoque frontem occupant & totam faciem, exceptis palpebris, larva te-

* Cel. STRACK de *crusta lactea infantum ejusdemque specifico remedio diss. Francof. ad Mænum. 1779.*

gunt. Quandoque ophthalmia vel otorrhæa simul contingit. Quandoque ad reliquum corpus, ut collum, pectus, abdomen, nates & extremitates a facie transeunt.

Ætas. Infantibus lactentibus magis quam ablactatis, semestribus magis, quam qui dentibus jam gaudent, familiaris est morbus. Interdum vero etiam serius incipit morbus atque ultra dentium eruptionem perstat, interdum recurrit.

CAUSA PROXIMA acri mucus metastatice ad faciem depositus esse videtur. Non videtur morbus esse hæreditarius, neque aliis infantibus contagiosus. ** Infantes enim reliqui innocue cum crustosis in eodem lecto dormivisse fuere visi, atque unus e pluribus infantibus ab eadem matre lactatis morbo solum corripitur.

Exodus. Diuturnus est morbus, qui infantibus quietem & alacritatem detrahit. Ingentem quandoque excitat pruritum, unde infantum fletus, per vigilium, pavor in somno, & alvus tarda: solvitur morbus per urinam tetri odoris, qualem urina fellis spargit.

Nihil mali a morbo remansisse patet, si facies post sanationem mollis.

Sustinuisse hominem v. g. nutricem in sua infancia hunc morbum conjicimus, si cutis faciei solito

* Anonimi alicujus authoris *Ausführliche Abhandlung von Sägesprünzen einer bekannten Kinderkrankheit, Nürnberg. 1779.*

magis glabra, & exesa circa genas tenui lanugine polita & splendens est, reliqua vero faciei cutis albida magis est, si erubescens non roseo sed coccineo seu scarlatinoso rubore suffunditur, sed per latas maculas interposita albedine distinguitur.

Curatio exigit, ut purgatis primis viis infanti quotidie lac, in quo pugillus unus jaceæ seu violæ tricoloris recentis incoquatur, detur. Sic intra 3 vel 4 septimanas hic morbus tuto curatur.

Alii angelicam, levisticum, imperatoriam, arum in decocto laudant. Alii fuliginem ad gr. iv in syrupo cichorei.*

Externe evitentur medicamenta plumbata, exsiccatia & oleosa. Facies cum decocto quodam in quo bilis bubula solvitur quotidie lavetur. Cremor lactis acidulus crustis illinitus pulchre sopit pruritum. Nutrix bonam servet diætam & iisdem ut infans utatur medicamentis.

Nihil mali a morbo remansisse patet, si facies post delapsum crustarum mollis nec supra pinguedinem tumida, cutis tenuis, non dura vel coriacea aut squammulis aspera & urina sana.

2. *CRUSTA LACTEA INFANTUM LARVATA*. Ante crustæ lacteæ eruptionem ophthalmia, obstructio glandularum, lippitudo, otorrhæa, tabes infantes afficit.

* L. c. p. 55.

Nisi quid crustosi in facie se ostendat, lactentis facies crassior est, quam a sola pinguedine expectes, buccæ tumidæ, rotundæ. Cutis generum profunde rubra, cutis subiecta dura in pliculas trahi se non sinit, cæticula digito explorata aspera & elevatis minimis squammulis hirta. Friccio partis ab infante tentatur, urina fœtida quandoque.

Non satis egressis papulis efficit materia crustæ lacteæ latens infarctum glandularum meseraicarum, unde tympanites, bulimia, tabes. Repressis autem papulis crustosis morbi glandularum, tussis, asthma, tabes sæpe oriuntur.

Curatio exigit, ut purgatis primis viis decoctum violæ tricoloris vel pulvis ejusdem detur.

3. CRUSTA LACTEA PUEPERARUM *

In puerperis quandoque a metastasi lactea in genis, mento, palpebris, imo & oculo pustulæ citra erysipelas, pure lacteo turgentes, summe prurientes, quæ horridæ visui, ruborem cuti conciliant, imo crustæ cute magis depresso apparent cum odore gravi færido. Hæ crustæ non raro abeunt & redeunt, siphilidem simulant, at a dato mercurio summa oriuntur mala.

Curatio. Salus a cura metastasibus congrua, ut a purgantibus, decocto stipitum dulcamarae & arcano duplicato.

* Cel. LORRY de morbis cutaneis p. 283.

T I N E A.

Noscitur crustis viridescentibus, siccis & pertinacibus,
quæ capillitum atque marginem frontalem oc-
cupant. *

Tineæ species sunt:

1. *TINEA VERA* seu *CRUSTOSA* format
crustas viridescentes, cineritias vel nigrican-
tes. Peculiare miasma hujus morbi causa esse
videtur.

Curatio exigit

1. *purgantia mercurialia* sæpius repetita.
2. Decocta *purificantia*, medicamenta *mercurialia*
& *sulphurea*. Cicuta, ** ledum palustre, la-
patum acutum, specifica censentur.

Externe

1. Capilli sunt *abscindendi*.

2. Crustæ *unguento juniperino*, vel cicuta in
lacte cocta emollientur.
3. Dein capilli & crustæ *emplastro picato era-*
dicentur.
4. Caput sæpius *lotione helleborata*, vel solu-
tione salina, ut ex sale alcalino, vel ex sale
tartari vel sedo acri contuso, vel spiritu sa-
lis unguento mixto, vel unguento sulphuris
cum succo citri, abluatur.

* D. STEGER *diff. de Tinea. Budæ 1782.*

** Ill. STOERCK *libel. de cicuta pag. 173. & Cel.*
STOELLERI Beobachtungen p. 139. externo & in-
terno usu cicutæ tineam curarunt.

2. *TINEA VENEREA.* Præter luis venereæ signa adsunt crustæ albæ circa tempora & frontem, & in malo inveterato maculæ & pustulæ venereæ frontis, atque herpes farinaceus aurium.

Curatur hæc tinea interno usu mercurii.

Externe unguentum cum præcipitato rubro prudenter adhibeatur.

In malo inveterato lotionem cum solutione sublimati, vel penicillationem crustarum cum aqua caustica pro condilomatibus utilem deprehendi.

M E N T A G R A.

Est peculiaris scabies circa mentum, quæ in crustas abit.

SPECIES sunt :

1. *MENTAGRA VENEREA.* Ingentem numerum talium crustarum, gluten viscidum exsudantium bis, in magna copia venereorum vidi. Præter usum internum mercurii pars affecta aliquoties de die aqua phagædenica, vel solutione sublimati vel lacte mercuriali ablui debet, unguentum mercuriale de nocte imponatur. His remediis non juvantibus illinantur crustæ aqua caustica ad condylomata.

2. *MENTAGRA LEPROSA* est lepra, mentum & faciem afficiens. *Curatur ut lepra.*

3. *MENTAGRA INFANTUM.* V. *Crusta la-*
ctea in mento.

4. *MENTAGRA PLINII.* Fuit impetigo in
 mento, quæ Romæ quondam contagiosa fuit.
 Vide *Impetigo.*

MALUM MORTUUM.

Est pustula, quæ in crustam fuscam, latam & cras-
 sam cum quadam insensibilitate & turpi aspe-
 abit.

In coxis & tibiis frequenter observatur, rarius in
 facie.

Subinde unica est in toto corpore, subinde plures,
 sed distantissimæ observantur. Hæ crustæ sunt sic-
 cæ, sine dolore, fixæ, pertinacissimæ, vix pru-
 riginosæ. Crustis elapsis cutis infra est granulosa
 sed non exulcerata.

Sanatur ut tinea per dropacismum V. tineam.

EXANTHEMA LABIALE.

Est efflorescentia vesicularum, quæ in labiis erumpunt
 & cito in parvas crustas abeunt.

Febres intermittentes sæpe hac crisi terminantur.

*Curatio præter interna remedia diluentia nihil exi-
 git.*

EXANTHEMA SUBAXILLARE.

Est efflorescentia vesicularum, quæ in cavo subaxilla-
 ri uno vel utroque erumpunt, magnam copiam

humoris viscidi s^epe excernunt & in crustas tenues ebeunt.

Eruptio tempore astivo frequenter contingit.

Curatio exigit diligentem ablutionem cum aqua calida, & interna remedia diluentia: juscum cum ch^aropophyllo & fumaria profuit.

CLASSIS VII. SQUAMMÆ.

Hæc classis continet morbos cutaneos, in quibus cuticula tota vel sub forma squammarum vel furfurum a cute secedit.

SPECIES hujus classis sunt:

FURFURATIO.

Est epidermidis secessus sub forma *furfurum*.

Furfuratio est raro morbus per se, sed ut plurimum symptoma porriginis, herpetis.

Curatio hinc juxta morbum, a quo oritur, institui debet.

DESQUAMATIO.

Est epidermidis secessus sub forma *squammarum*.

Hic morbus etiam symptoma est impetiginis, vel ichtyosis, hinc ut hi morbi curatur.

EXUVIA EPIDERMIDIS.

Est cuticulæ secessus a cute sub forma magnarum laminarum.

CAUSÆ, quæ epidermidem a cute in latis portionibus solvunt, sunt 1. inflammatio erysipelacea. 2. Calor aquæ ebullientis, aut solis. 3. Maceratio cutis in aqua. 4. Putredo gangrænosa. 5. Vesicatorium aut aliud acre cuti impositum. 6. Acrimonia sub epidermidem deposita, ut in quibusdam febribus & ab esu delphini contingit.

Curatio externa exigit, ut pingua, butyrum simplex aut ex fructu cacao applicetur, sic facile & sua sponte renascitur epidermis.

EXUVIA EPIDERMIDIS & CUTIS A RAPHANIA. Non solum epidermis sed & ipsa vera cutis hinc inde secedit, adeo ut nudi musculi & tendines videri possint. * *Medela* exigit, ut externe unguentum saturninum applicetur.

P O R R I G O.

Est morbus, in quo in capillata capitis parte rimæ siccæ & callosæ oriuntur, quæ perpetuo scatent furfure albescente inter pectinandum deciduo.

SPECIES sunt :

1. *PORRIGO FURFURACEA*, quam mox descripsi.
2. *PORRIGO LUPINA*, quæ squammas instar cicerum format. Vide *Scabies capitis lupina*.

* *Cel. TAUBE Geschichte der Kriebel - Krankheit.* 1782.
Göttingen p. 153.

3. *PORRIGO FARINOSA* seu *SPURIA*, est congeries materiei unguinosæ pulverulentæ, quæ ob pectinationis defectum in capite cumulatur, & crustam sordidam, atque fætidam, sub pectine farinæ crassæ forma delabentem, constituit.

Materies hæc farinosa vel furfuracea humor sebaceus glandularum capitis esse videtur. Sub his sordibus copiosa proles pediculorum tuta hospitatur.

Curatio exigit diligentem & frequentem pectinationem. Porrido autem *vera* seu *furfuracea*, ut *scabies capitidis*, curatur.

L I C H E N.

Est macula solitaria, rubra, aspera, sicca, admodum pruriens, quæ in tenuissimum furfurem solvitur. **CAUSA** est peculiaris acrimonia. *Curatur* ut *impetigo*, cuius levissima esse videtur species. *Externe* saliva jejuna aut solutione sublimati cum sale ammoniaco, aut unguento helleborato vel ex mercurio præcipitato rubro vel albo macula fricari debet.

I M P E T I G O.

Est morbus, in quo multæ maculæ rubræ, duræ, siccæ, pruriētes & asperæ oriuntur, quæ a facie vel collo ortæ, totum corpus petunt & vel in furfures vel in tenues squammas resolvuntur. Hinc est *lichen in toto corpore*.

SPECIES sunt:

1. *IMPETIGO BENIGNA.* Cutis maculæ rubentes & pruriētes evadunt crassæ, duræ & tumidæ, nec non leviter humescunt, & ex humore albido transsudante squammæ fiunt albae, crassitie papyrum tenuissimam æquantes, quæ tam digitis afferri possunt, quam per sudores decidunt, quibus demptis profluit sanguis. Hæc impetigo etiam ungues aliquantum destruit. Subinde in capitis cute incipit.
2. *IMPETIGO MALIGNA,* est illa, quæ cutem pessime exulcerat.
3. *IMPETIGO HEREDITARIA,* quæ in infante a parentibus eodem morbo affectis observatur.
4. *IMPETIGO A CONTAGIO,* ut balneo, lepto, osculo contracta. Solis osculis impetigo menti Romæ quondam pandemia fuit. *
5. *IMPETIGO SENUM,* quæ ab acrimonia senili in senibus observatur.
6. *IMPETIGO AB INGESTIS ACRIBUS* ut salis, vini vel aromatum abusu.
5. *IMPETIGO VENEREA,* quæ a viru venereo.
8. *IMPETIGO SCORBUTICA* quæ, a scorbuto.

* PLINI Hist. nat. L. 26. C. I. Cel. GRUNER morb. antiquit. p. 162. solide monstrat mentagram Plinii impetiginem fuisse.

9. *IMPETIGO LEPROSA*, quæ a lepra latente.

10. *IMPETIGO FEBRISEQUA*, quæ febres quandoque sequitur. Cortex tentandus.

11. *IMPETIGO RETRO PULSA*, asthma, cœcitatem & alios morbos infert, hinc acrimonia in cutem vesicatoriis est reducenda.

CAUSA PROXIMA impetiginis est serum acre in cutem depositum. Serum acre redditur viatu falso & acri, acrimonia latente venerea, aut scorbutica, aut leprosa. Nam hos in morbos sæpe malum erumpit.

Curatio impetiginis benignæ tentatur:

1. *Purgantibus*, cicuta, acidulis, succo pomorum acidorum, cort. peruv. sarsaparilla.

2. *Decocisis purificantibus* chamomillæ & fumariæ.

3. *Solutione* mercurii sublimati.

Externe balnea ex chamomillis vel thermis sulphureis conducunt, laudantur præterea externe radix lapati aceto macerata, succus ricini contusi, spiritus ligni sancti, sapo venetus cum spiritu vini rectificato, oleum tartari per deliquium, sinapi, medicamenta sulphurata, mercurialia, plumbata, martialia. * Efficacissimum vero remedium esse censetur herba antilichenia. **

* De his omnibus vide egregiam D. LUPINI *diss. de licheni*. Budæ 1778.

** Cel. HILLARY *Beobachtungen über die Veränderung der Luft auf der Insel Barbados.* p. 430.

In impetigine *scorbutica* & *venerea* simul antidota harum acrimoniarum adhibeantur.

I C H T H Y O S I S.

Est morbus, in quo diversæ corporis partes teguntur squammis siccis & albidis, successive superincumbentibus, eodem ordine ac modo, quo squamæ piscium sibi incumbunt. *

Ægroti subinde ut pisces fœtent, & in Asia squamæ circulo rubro sunt cinctæ.

Curatio. Specificum & unicum in hoc morbo remedium est decoctum ex cortice intermedio ulmi. **

T Y R I A S I S.

Est lepræ species, in qua cutis a carne subjacente putrida facile detrahi potest. ***

A scalptura cuiusvis partis farina ac furfur excutitur, demum ubique oriuntur maculæ albæ. Nodus & digitæ incrassantur, ut in lepra & omnes pili in toto corpore defluunt.

C A U S A P R O X I M A est virus leprosum cum putredine jundum.

* *Acta Lipsiensia* 1688. & *Cel. SAUVAGES Nosologia methodica* T. II. p. 572.

** *Cel. LETTSOM Med. Nachrichten von dem allgemeinen Dispensatorio in Londen.* Altenb. 1777. p. 131.

*** A serpente *tyro*, qui cutem facile exuit, nomen habet.

Curatio incipientis morbi ut in lepra est, sed adde internum usum acidi vitrioli.

ASPERITAS CUTIS.

Est cutis aspera, crassa, fusca vel rubens.

SPECIES sunt:

1. *ASPERITAS A VENTO*, facies vento frigido diu exposita redditur aspera, sic etiam fit *a frigore*. Est rusticis & peregrinantibus familiaris.
2. *ASPERITAS A LIXIVIO* vel *SAPONE*, quæ in manibus lotricum invenitur. Alcali causticum saponis cutem sic deturpat.
3. *ASPERITAS AB ÆTATE*. Quo proiectioris est homo ætatis, eo crassior fit cutis, præsertim in facie.

Curatio cutis asperæ butyro cacao & aliis pinguis obtinetur. *Cosmetica* raro prosunt præter bilem bubulam.

CUTIS RUGOSA.

Senium, vel peculiaris laxitas cutis vel consuetudo frontem perpetuo rugandi, faciunt ut hæc, præsertim in fronte, in rugas contrahatur.

1. *RUGOSITAS A LAXITATE* fumo aromatico ex myrrha curari dicitur.
2. *RUGOSITAS LEPROSA*. Frons in hoc morbo rugosa fit, malum ut morbus, a quo oritur, est incurabile.
3. *RUGOSITAS SENILIS* est incurabilis.

CLASSIS VIII. CALLOSITATES.

Sunt mutationes epidermidis in substantiam albidam, duram, crassam & insensibilem.

Huc ergo referuntur sequentia *genera*:

C A L L U S.

Est epidermis indurata, crassa & insensibilis.

CAUSA PROXIMA est muci malpighiani major secretio, exsiccatio & induratio. Irritatio secretionem, pressio & aer condensationem faciunt.

Causæ remotæ sunt diuturnus *attritus*, unde major muci malpighiani secretio, & induratio. Idem ab acore minerali * & a calore fervido observatur. **

* Spiritu vitrioli aut sulphuris adeo cuticula induratur & incrassatur, ut tales ignem devorare possint. D E S L A N D E S *Brem. Magazin* T. I. p. 665.

** Frictione & ingenti calore destruitur cuticula, at renascitur alia, primæ simillima, sed continuata causa frictionis, calorisve ad primam cuticulam novæ aliæ laminæ callosæ perpetuo accedunt, quæ demum in adeo crassum corneumque tuber abeunt, ut tales homines prunas ardentes vel ferramenta cendentia in manu circumgerere, & fuso metallo demum manus lavare discant. Id *Magnus BOERHAAVIUS* de fabris ferrariis testatur, id *Illust. HALLERUS* in vitreriorum officinis vidit.

SPECIES sunt:

1. *CALLUS IN PALMIS MANUUM*, oritur ab assiduo labore, & tractatione instrumentorum crassorum.
2. *CALLUS IN PLANTIS PEDUM* accrescit, si pedibus nudis longo tempore incedamus. * Dolentissimus evadit talis callus, si rimam seu fissuram contrahit. Optimum remedium in hoc morbo fuit mihi unguentum album camphoratum cum unguento neapolitano mixtum, si calceus simul induatur latior. **
3. *CALLUS FISTULARUM & ULCERUM*, est margo callosus, qui ulcera circumdat, oritur vi exsiccante aëris aut turundis multum preventibus.

Curatio. Ablata pressione callus manuum & pedum sua sponte sensim evanescit, aut maceratione in aqua, applicatisque unguentis camphoratis emollitur, vesicatorio, vel phosphoro tollitur.

C I C A T R I X.

Est callus a consolidato vulnere vel ulcere relictus.

* A sola calida arena Ægyptiis soleæ non minus duræ, quam bobus sunt, ut absque dolore possint ferro calcari; & in siamensium regno super ignitas prunas tuto ingrediuntur. *Illustr. HALLERI Element. Physiologiae* T. V. p. 58.

** *Cel. CAMPER Abh. über den besten Schuh.* p. 49.

Formatur a muco malpighiano, quo vulnera ultimam conglutinantur.

Cicatrix pulchra vocatur, quæ cute, nec elevior, nec depresso est, ut in vulneribus, acuto instrumento inflatis & apte unitis videre est.

Diversæ observantur cicatricum species:

1. *CICATRIX ELEVATA*, oritur, si caro ultra vulneris libellam luxurians, exsiccatum vi in cicatricem exsicetur. Hæ cicatrices ut plurimum iterum aperiuntur, nisi id apta compressione & robore antibus impediatur.

2. *CICATRIX CAVA*, contingit, si per suppurationem cutis & membrana adiposa multum consumpta est. Sic vulnera cariosa, spina ventosa, & profundæ ambustiones relinquunt cicatrices cavas, quæ infundibuli forma ad ossa fere pergunt. Hæ cicatrices sunt insanabiles.

3. *CICATRICES A GRAVIDITATE*. Referunt hæ cicatrices in regione hypogastrica abdominis, in inguinibus & interioribus femoris partibus *striae albantes*, adhuc diu post partum conspicuas, sed cum tempore fere evanescentes.

4. *CICATRICES VARIOLOSAE*, quæ præsertim in facie a prægressis variolis veris remanere solent,

5. *CICATRICES LEPRÆ ASTURIENSIS*, quæ rosei coloris, infra cutis libellam depresso & lucidae esse solent.

C L A V U S.

Est tuberculum callosum, album, rotundum, in dgitis vel plantis pedum. *

Sed clavorum locus frequentissimus in dorso digitii minimi, quandoque vero in aliis, est: quandoque inter dgitos in superficie interna utraque duorum digitorum sibi accumbentium duo clavi inveniuntur.

SPECIES clavorum sunt:

1. *CLAVI SUPERFICIALES*, qui epidermidi & cutis superficie externæ solummodo adharent.

2. *CLAVI PROFUNDI*, qui cuti, tendinibus aut periosteo adharent, hinc a pressione cutis dolent. In suo centro *nucleum* durissimum habent, quo eradicato pars affecta non dolet, usque dum novus nucleus efformetur.

Nascuntur clavi a pressione loculi digitorum, hinc familiares sunt illis, qui calceis arctioribus aut latioribus utuntur.

Curatio exigit:

1. Ut clavus pediluvio tepido bene emolliatur, & ut nucleus clavi dein unguibus digitorum vel cultello caute eximatur.

2. Dein clavus cera viridi, vel folio sedi, aceto forti macerato, aut emplastro diachilon vel sa-

* ROUSSELOT *Toilette des pieds.* & ILL. RICHTERS
Chirurg. T. I. p. 428.

ponato vel emplastro ad clavos per aliquot septimanas tegatur & a pressione defendatur. Subinde clavus solo emplastro vesicatorio vel tinctura cantharidum auferri potest. Efficacissimum remedium est, si globulus ex unguento de ranis cum mercurio quadruplicato ope emplasti longi & tenuis ad clavum applicetur.*

Nimis profunde excisus clavus ingentem totius cruris inflammationem, gangrenam, vel cancrum fungosum vel tetanum causare potest.

3. *CLAVUS IN PLANTA PEDUM.* Quandoque unus, quandoque integra congeries clavorum plurium invenitur. *Salus* a foliis sedi minoris recentis contusis & per noctem in aceto maceratis atque clavis applicatis speranda. **

4. *CLAVUS seu VERRUCA SUB UNGUE.* Unguem elevat, ingentem excitat dolorem, & a minima mole quandoque in ingens & durissimum excrescit cornu. *Medela* exigit, ut unguis pediluvio maceratus ad latus utrumque

* Cel. CAMPERS *Abh. über den besten Schuh.* Wien
1782.

** Celeberrimus CLOSIUS, practicus expertissimus Peflinensis ægrotam, quæ jam a longo tempore congeriem, 16 vel plurium clavorum sub pollicis majoris haluce gerebat, intra aliquot septimanas hac methodo sanabat.

verrucæ subungualis incidatur, dein unguis a verruca elevetur & cornu excidatur.*

5. *CLAVUS AD CRISTAM ILII*, hic in feminis a nimis arctis thoracibus, cristas ilii preventibus, oritur.

CLASSIS IX. EXCRESCENTIÆ CUTANÆ.

Sunt parva tubera, quæ ultra cutis libellam prominent.

Hi morbi per succi nutrititii copiosiorem affluxum & adhesionem fieri videntur.

GENERALIA hujus classis sunt :

V E R R U C A.

Est tuberculum durum, scabrum, indolens, ex cute prominens. **

In facie & manibus, raro in partibus aliis nascuntur.

CAUSA est raro cognita. An acrimonia verrucosa detur, & an hæc sit contagiosa, non adeo clare notum est.

SPECIES verrucarum sunt :

1. *VERRUCA VULGARIS*, quæ in basi & apice ejusdem diametri est.

* Cel. CAMPER l. c. p. 52 & 56.

** ILL. RICHTER Chirurgie T. I. p. 420.

2. *VERRUCA PENSILIS* seu *ACROCHORDON* est verruca, quæ ope petioli angustioris cuti adhæret.
3. *VERRUCA SESSILIS* seu *PORRUM*, est verruca cuti immersa, seu vix extra cutem prominens.
4. *VERRUCA CARNEA* seu *MOLLUSCA* est tuberculum molle, sensile, cuti concolor vel rubens, sæpe pilosum. In naso & facie ut plurimum invenitur. Videtur admodum magna glandula cutanea quasi esse.
5. *VERRUCA MADIDA* seu *MYRMECIUM*, est verruca mollis, nuda, & semper madida.
6. *VERRUCA GREGALIS*. Dantur verrucæ admodum parvæ, quæ gregatim in facie vel manibus erumpunt, sed etiam sæpe sponte evanescent.
7. *VERRUCA FEBRILIS*, quæ cum febre ut exanthema in toto corpore erumpit. V. *Variolas verrucosas*.
8. *VERRUCA CANCROSA* seu *MALIGNA*, est verruca livens vel rubens, dolens, varicosa, quæ in cancrum abit. *
9. *VERRUCÆ VENEREÆ*, sunt moris, vel frambæsiis similes, quæ in venereorum facie erumpunt, ut aliquoties vidi.

* DEVENS *Diff. de fungo cancroso ex verruca orto.*

Curatio verrucarum obtinetur.

1. *Ligatura*, quæ in verrucis petiolatis ope fili sericei, vel setæ equinæ peragi potest.
2. *Excisione*, qua verrucæ cancroſæ curantur.
3. *Causticis*: ut spiritu salis concentrato, aqua fortii, oleo camphoræ caustico, quibus verrucæ mediante penicillo bis de die illini debent.
4. *Inuſtione*, acus ad candelam excalefacta in verrucam infigitur.
5. *Friſtione* verrucæ cum *sapone nigro*, vel *laſte* vel *folio ficus*, vel *cerumine aurium*.
6. *Applicatione emplaſtri veficatorii*, & *tinduræ cantharidum*.
7. *Remediis sympatheticis*. Sic verruca pomo, vel carne, vel sanguine, ex anguillæ capite abſcifo ſtillante, multum fricta, & remediis dein in terram ſepultis, evanescere dicitur. Mihi res, ſæpius tentata, non ſucceffit.

Verrucæ gregales ſæpe dato purgante, dein aſa fætida aliquot ſeptimanis аſſumpta, ſponte evanescunt. Verrucæ venereæ, ut condylomata venerea, curantur.

CORNUA CUTANEA.

Sunt excreſcentiæ calloſæ vel verrucosæ, ſed admodum magnæ.

Subinde totum corpus vel pars corniculis exſtantibus horret. *

* Ill. HALLERUS in ſuo magno opere physiologico obſervationes de cornibus cutaneis congeffit. Tom.

Curantur spiritu nitri fumante, aut solutione argenti, qua cornua circa basim sæpius illini debent, vel excisione cornuum e cute.

H Y S T R I C I A S I S.

*Est papillarum, setis rigidis, ut hystrix habet, similium, copiosa progenies in cute.**

Nec causa nec curatio miri hujus morbi cutanei nota est.

C O N D Y L O M A T A.

Sunt verrucæ molles, quæ circa anum & pudenda utriusque sexus ex crescunt.

Respectu originis, figuræ, magnitudinis & indolis admodum variæ sunt hæ ex crescentiæ.

v. p. 30. Ex fronte cornu natum refert ZACUT. ex maxilla BARTHOLIN, ex capite duo cornua LEIGH. cornu q̄ unciarum de capite feminæ defectum THORESBY, undique ex cute capitis INGRASSIAS, ex omnibus digitis, Phil. Trans., ex femore vetulæ Journal. de Medic. & Histoire de la Chirurgie, ex vulnere genu, BENEDICTUS, undique ex manibus, pedibus, capite & fronte, INGRASSIAS, ex articulis artuum, natibus & mammis SYLVIUS.

* In Anglia fuit homo visus, cuius caput setis rigidis, pellucidis, 6 lineas longis, 2 vel 3 crassis, horreescebat. Hæ setæ quovis autumno decidebant. Is genuit 5 filios eodem morbo affectos. V. Phil. Trans. n. 424. & Journal. de Med. Mars 1756.

SPECIES esse solent:

1. *CONDYLOMATA VENEREA*, quæ vix dolent & ex prægressis vel præsentibus aliis symptomatibus venereis noscuntur.
2. *CONDYLOMATA HÆMORRHOIDALIA*, quæ absentia symptomatum venereo-rum, atque prægressis hæmorrhoidibus no-scuntur.
3. *CONDYLOMATA MALIGNA*. Hæc do-lent, livent, & in cancrum abeunt: ex male tractatis condylomatibus aliis nascuntur.

Respectu figuræ vocantur condylomata.

1. *Ficus* vel *sycocis*, quæ magna sunt & ficus fi-guram referunt.
2. *Cristæ*, quæ cristi gallinaceis similia sunt.
3. *Tymus*, quæ flores tymi vel brassicam cauliflo-ram repræsentant.

CAUSA PROXIMA, est evolutio vasorum, quæ papillas cutaneas constituunt.

Curatio. Condylomata *venerea* præter internum mer-curii usum quotidie bis solutione saturata mer-curii sublimati, vel aqua caustica ad condylo-mata ope penicilli illini & illico linimento mer-curiali obtegi debent.

Condylomata autem jam nimis *magna* & *sarcotica*, cultro, forfice vel si petiolata sunt, ligatura auf-feruntur.

Condylomata *hæmorrhoidalia* linimento cathereti-co, ex pulvere aluminis usci, opii, flammulæ jo-

vis cum unguento de linaria subactis, s^epe curantur.

Condyloma malignum ut cancer tractetur.

Condylomata indurata cepa oleo cocta emoliantur,
ac dein pulvere sabinæ conspergantur. *

F R A M B Æ S I A.

Est morbus, in quo prægressis pustulis variolis valde si milibus excrescentiæ fungosæ, mori fructus referentes, præcipue in plantis pedum quandoque in toto fere corpore excrescunt. **

Morbus hicce americanis est endemius & licet mercurio curetur & per coitum inficiat, tamen venereus non censetur, nam quos semel exercuit, si bene ab eo curati sint, hos non amplius aggreditur; genitalia maxime afficit. Morbo inve-

* *Neue Versuche und Bemerkungen einer Gesellschaft zu Edimburg.* 3. B. p. 373.

** Americani has excrescentias *Pians* seu *fungos* dicunt, hinc *Cel. CARTHEUSERUS* hunc morbum *lepram fungiferam* nominat, *Cel. SCHILLING* *de morbo in Europæ pene ignoto*, quem *Americani* vocant *Jaws*. 1770. *Trajeti ad rhenum* & *Cel. NIELEN*, von den *indianischen Pocken*, oder den *sogenannten Jaws*. Vide *Sammlung für praktische Aerzte* 7 Band 2 und 3 Stück.

terato sese adjungunt ulcera dysepulota , exostoses , caries , anchyloses & macies.

Curatio. A morbi initio usque ad finem decocta purificantia ex herbis saponaceis & leniter sudorifera medicamenta dentur. Post integrum fungorum incrementum , quod intra 3 menses ordinarie contingit , solutio sublimati corrosivi cum decocto saturatissimo sarsaparilla detur. Sanato toto morbo *princeps fungus* , qui *Mamalian* Guineensibus dicitur , solutione caustica consumi debet.

Nigritæ fuliginem lebetum æneorum , succo limoniorum dilutam , ulceribus & fungis applicant.

CLASSIS X. ULCERA CUTANEA.



Sunt superficialia ulcera seu solutiones continui purulentæ in sola externa cutis superficie.

Genera hujus classis sunt.

EXCORIATIO PURULENTIA.

Est ulcus superficiale & purulentum in cutis superficie.

SPECIES sunt :

1. *EXCORIATIO BULLOSA.* Ea est , quæ cum bulla , vi aut sua sponte rupta , incipit . Exigit linimentum molle.

2. *EXCORIATIO A VESICATORIO.* V.*Bulla a vesicatorio.*

3. *EXCORIATIO ACRIMONIOSA.* Materia venerea, cancriosa, scabiosa vel alia cuti illita prævia inflammatione ulcus superficiale excitat.

Curatio exigit unguentum molle cum specifico contra detectam acrimoniam.

4. *EXCORIATIO PAPILLARUM IN MAMMIS,* quæ a violenta suctione infantis aut acrimonia ejus salivæ oritur.

Curatur butyro cacao vel pulvere insperso ex amylo, bolo armena & saccharo albo.

I N T E R T R I G O.

Est excoriatio genitalium vel alias partis, madens, & rubens, ab urinæ vel sudoris acrimonia.

SPECIES sunt :

1. *INTERTRIGO GENITALIUM* est lactentibus familiaris, oritur custodum negligentia, quæ infantes in linteis, urina fæcibusque conspurcatis, diu sine purgatione relinquunt.

Curatio exigit diligentem mutationem linteorum mundorum, & insersionem pulveris amyli, lycopodii, vel boli armenæ.

2. *INTERTRIGO SCROTI* sudantibus a sudore acri, & in incontinentia urinæ adultis etiam familiaris est.

3. *INTERTRIGO SUBAXILLARIS*: tempore aestivo a sudore acri cavum subaxillare saepe excoriatur.

4. *INTERTRIGO AURICULARIS*. Infantes retro aures saepe excoriari solent, praesertim si scabie capitum laborant.

Curatio intertriginis exigit, ut excretio non subito impediatur, sed prius datis purgantibus locus excoriatus ab initio cerato vel butyro cacao, in fluxu servetur dein bolo armena inspergatur. Cerussa plumbi evitetur.

A P H T H Æ.

Sunt parva, albicantia & superficialia ulcuscula in oris cavo, vel, quod rarius est, in genitalibus, primis viis, aut trachea.

Incipiunt aphthæ sub forma vesicularum miliarium albarum, quæ in apice foraminulum gerunt, dein collabuntur & aliquantum latefcunt.

SPECIES aphtharum sunt diversæ respectu loci & indolis.

I. *APHTHÆ INFANTILES*. Laetentibus sunt familiares & a latte corrupto infantis vel nutricis fieri creduntur. Palatum, linguam & genas internas obsident, non raro simul in genitalibus observantur.

Infantes lac fugere recusant, pervigiles & febrientes saepe fiunt, nutrices calorem oris infantis sub lactatione sentiunt, & non raro papillæ mammarum aphthis inficiuntur.

Curatio exigit, ut infans syrupo de spina cervina vel manato purgetur, & ut os aphthosum aqua vitriolata cum melle rosacco vel solutione boracis, quæ etiam interne dari potest, sèpius de die eluatur.

Nutrix simul purgetur & bibat decoctum bardanæ atque ab omnibus acidis, acribus & vino abstineat.

2. *APHTHÆ ADULTORUM.* In palato, interna superficie genarum vel labiorum, subinde in tonsillis vel faucium cavo una vel plures magnæ aphthæ oriuntur. Apex & latera linguae punctis hinc inde pertusa videntur. Locus aphthæ sub masticatione aut deglutitione acriter dolet. Febris abest. *

Curatio est ut in aphthis infantum.

3. *APHTHÆ FEBRILES.* Erumpunt cum febre acuta & non solum oris cavum, sed subinde simul fauces, tracheam, æsophagum, atque primas vias obsident. V. apud Autores descriptionem febris aphthosæ.

4. *APHTHÆ GANGRÆNOSÆ*, livent & factent: observantur in angina gangrænosa, &

* Vidi nuper in quodam pago multos rusticos os admodum habuisse aphthosum, cum lac, e vaccis aphthis mulsum, frigidum tempore messis potarent, nobiliores autem hujus pagi, qui lac bibeant calefactum, aphthis non afficiebantur.

febre maligna. Exigunt collutorium ex cortice peruviano, ruta & camphora.

5. *APHTHÆ VENEREÆ* ulcera superficialia, muco gryseo testa, faciunt: noscuntur signis luis venereæ, curantur collutorio ex amylo & mercurio gummoso, & decocto sarsaparillæ.

6. *APHTHÆ MERCURIALES*, quæ cum ptyalismo & oris fætore erumpunt, præferunt orificia ductuum salivalium *Stenoni* afficiunt.

Curantur purgantibus, balneis calidis, & decocto emolliente lacteo.

7. *APHTHÆ SCORBUTICÆ* noscuntur stomachace gingivarum & aliis scorbuti signis.

Curantur interne antiscorbuticis, externe melle rosaceo & spiritu salis tangantur, atque dein tinctura gingivali eluantur.

Huc pertinet *cancer aquaticus*, qui magna est aphtha, cito in gangrænam buccarum vel labiorum transiens, curatur etiam interno & externo usu spiritus salis marini.

8. *APHTHÆ SYMPTOMATICÆ* sunt illæ, quæ febri miliari, petechiali, dysenteriæ, phthysi, gangrænæ pulmonis & cancro superveniunt, atque ut plurimum incurabiles sunt.

F I S S U R Æ.

Sunt solutiones lineares, siccæ vel humidæ, in cuticula vel cute.

SPECIES sunt:

1. *FISSURÆ A FRIGORE*, quæ in labiis oris, manibus, pedibusque hieme observantur.

Curantur unguento ad perniones.

2. *FISSURÆ LABIORUM A VENTO*, quæ tempore ventoso itinerantibus continentur.

Curantur butyro cacao vel unguento ad labia.

3. *FISSURÆ AB ACRIBUS*. Ut accidunt ancillis lixivium calidum incaute tractantibus.

Curantur butyro. Fissuræ, quæ in manibus ab atramento typographicō oriebantur, unguento alcalino curabantur.

4. *FISSURÆ PAPILLARUM MAMMÆ*.

Nutricibus a violenta & perpetua suctione infantis sunt familiares.

Curatio exigit abstinentiam aliqualem a lactatione, butyrum cacao & pulverem ad mammillas, qui ex amylo, sacharo & bolo armena constat.

R H A G A D E S.

Sunt malignæ, siccæ & profundæ fissuræ cutanæ.

SPECIES sunt:

1. *RHAGADES VENEREÆ*, quæ in volis manuum plantisque pedum, atque circa ani & vulvæ orificium oriri solent. Noscuntur morbis venereis prægressis.

Curantur admodum difficulter. Interne dentur mercurialia. Externe pomatum ex mercurio præcipitato rubro vel albo, aqua phagædenica, vel solutio saturata mercurialis adhibeatur.

2. *RHAGADES LEPROSÆ* sunt, quæ in lepra, elephantiasi & frambæsia totam fere cœm occupant.

3. *RHAGADES ANONIMÆ*, quas in hominibus nec venereis, nec leprosis ex causa adhuc incognita in volis manuum vidi. Cuticula crassa, rhagadibus plena erat, gluten copiosum ex rhagidibus exsudabat. Nec mercurius, nec alia medicamenta profuere. A decocto saturato chærophilli interne & externe adhibito sèpius cuticula cum rhagadibus quandoque secessit, laudatur etiam auripigmentum, cum unguento digestivo. Nuper hæc curatio tentata fuit: *

1. Lavetur manus *lixivio cinerum ex ligno*.

2. Dein *aqua pulviali destillata* abluantur.

3. Dein manus sequenti unguento illinantur. *ix.*
Sevi vervecini, ceræ albæ, succi pomorum borsdorffensium & olei olivarum p. æquales, in unguentum redigantur, hocce chirothecæ

* *Cel. THEDEN Bemerkungen. 2. Theil. p. 262. Rhagades digitorum & volæ manus jam a 10 annis vexantes in proprio corpore hac methodo sanavit.*

illinantur, quibus manus die noctuque induantur.

4. Interne *Tinctura antimonii Thedianæ* & ad vesperas *gummi guajaci* cum gr. v. *saponis antimonialis* detur.

4. *RHAGADES SENILES*, quæ in senibus a cutis siccitate & transpiratione suppressæ oriuntur.

Curatio prior tentetur.

CLASSIS XI. VULNERA CUTANEA.

Sunt vulnera, quæ solam cutem lœdunt.

Huc maxime pertinent.

EXCORIATIO CRUENTA.

Est cuticulæ vel cutis a partibus subjacentibus cruenta & violenta seperatio.

SPECIES excoriationis cruentæ sunt:

I. *EXCORIATIO A VIOLENTO ATTRITU*, quæ supra partes ossibus sustentatas, ut supra spinas tibiarum, cranium aut digitorum articulos frequentissime contingit. Hæc excoriatio summe dolorifica est, & paulo post multum inflammatur.

Nihil utilius est quam fomentum ex aqua Thedianæ vel ex vino tepido cum aliquot guttis extracti saturni. Ipsa viva excoriatio parva por-

tione emplastri anglicani tegatur. Evitentur spiritus & unguenta præsertim in corporibus cacheoticis, in his ab excoriatione violenta sæpe magnum ulcus erysipelatosum excitatur.

Huc etiam pertinet *Excoriatio* volæ manus a labore, aut *pedis* plantæ ab itinere, excoratio in interna & summa *femorum* parte ab equitatione, & in regione *ossis sacri* aut calce pedis a longo & duro decubitu. V. *Erythema ab attritu.*

2. *EXCORIATIO UNGUICULARIS*, quæ ab unguibus hominis, fælis, vel aliis animalis infligitur. Longam & cruentam repræsentat lineam, sic etiam infantes, quibus cutis in capite vel alio loco moleste prurit, unguibus locum prurientem adeo fricare solent, ut sanguis ex cute erumpat.

S C I S S U R A.

Est solutio cutis, cruentam lineam referens, acuto instrumento inflicta.

Curatur optime, si vulnus emplastro anglicano uniatur.

P R E S S U R A.

Est cutis intra unguis digitorum compressio.

Partes nerveæ sic pressæ ut labia, facies, aut mammæ non raro tuberculum durum inflammatum retinent, quod in cancrum degenerare potest.

Curatio exigit, ut illico vino tepido inflammatio resolvatur.

M O R S U S.

Est cutis intra dentes animalis solutio cruenta.

Morsus Species sunt, morsus simplex & morsus ab animali rabioso vel irrato. Eadem mala producit ac pressura cum unguibus. Sed morsus animalis irrati vel rabiosi præterea rabiem inducit.
V. Vulnera venenata, quæ in chirurgia descripsi.

Curatio morsus simplicis exigit balsamum Arcæi.

P U N C T U R A.

Est solutio cutis per acum, aliudve instrumentum acutum.

SPECIES sunt :

1. *PUNCTURA SIMPLEX.* Si cutis per acum pungitur, una alterave guttula sanguinis exit, quæ aëre exsiccatur & vulnus intra diem sua sponte, si sanguine tectum manet, sanatur.

2. *PUNCTURA COMPLICATA CUM CUSPIDE FRACTA ET INTRA VULNUS RELICTA,* ut sœpe cum festucis ligneis contingit.

Curatio exigit, ut corpus heterogeneum e vulnera extrahatur.

Si hæc extraatio impossibilis est, vulnus lanceola dilatetur, aut excitetur vulneris suppuration, sic festuca fere sua sponte exit.

3. *PUNCTURA A VIPERA VENENATA*
vel NON VENENATA. Noscitur duabus
 puncturis juxta se locatis. Viperæ venenatæ fe-
 re omnes duos in ore gerunt aculeos, plica-
 tiles & cavos, quorum basis premit folliculos
 duos, succo venenato turgidos, qui in vul-
 nus effundit, dum animal mordet.

Puncturæ viperarum non venenatarum leves &
 sine periculo sunt, venenatarum autem pun-
 turæ pessima symptomata & saepe brevi mor-
 tem inferunt. V. *Toxicologiam.*

4. *PUNCTURA AB HIRUDINE.* Vulnus ab
 hoc verme illatum est triangulare, subin etiam
 ablato hirudine diu sanguinem plorat.

Curatur suasponte vel applicato vino calido.

ICTUS AB INSECTO.

Est punctura ab insecto illata.

SPECIES sunt:

1. *ICTUS A PEDICULO* facit parvum sti-
 gma cutaneum, cuius peripheria albescit.

2. *ICTUS A PULICE* stigma facit, cuius am-
 bitus late rubet. An pediculus solum sanguineum,
 & pulex solum serum ex inficto vulne-
 re exsugit?

3. *ICTUS A CIMICE, CULICE & VE-
 SPA,* tubercula rubra & admodum prurien-
 tia relinquit in cute. Haec applicatione aquæ
 frigidæ, vel aceti curantur.

4. *ICTUS*

4. *ICTUS A SCORPIONE.* Hic multis animalibus lethalis est, sed hominibus raro, nisi magnus nervus pungatur. Laudatur externe oleum scorpionum, quod autem non semper symptomata aufert.

5. *ICTUS A TARANTULA.* Hujus ictus dolorem, dein tumorem livescentem, paucos post dies crusta nigricante obsitum, excitat; accidunt somnolentia, oppressionis anxietatisque sensus, & demum dolores in singulis corporis articulis, sed nunquam effrenis saltandi cupiditas homines demorsos incessit, ut vulgo narratur. Hæc symptomata diaphoreticis curantur.

6. *ICTUS A FURIA INFERNALI.* Hoc insectum est vermiforme, tenuissimum & vix duas lineas longum. In Suecia ex aere delabitur, & momento citius tum in hominum, tum in jumentorum corpora penetrat, atque tam diros excitat dolores, ut miseri homines quandoque intra horæ quadrantem pereant, dantur tamen, qui diutius durant.

Cognoscitur locus ex stigmate exiguo, fusco, & dolentissimo. Fenones lac recenter coagulatum parti vulneratæ imponunt, sic dolor remittit, & insectum foras prorumpit: alii cultro locum incidunt, & animal extrahunt.

V. *Toxicologiam.*

CLASSIS XII. INSECTA CU-
TANEA.

Insecta & vermes, qui externam corporis superficiem infestare & in vel sub cute sedem figere solent, frequentissimi hi sunt:

1. *PEDICULI* capitis & pubis in phthyriasi.
2. *ACARUS SCABIEI* in scabie verminosa.
3. *ACARUS EXULCERANS* in scabie ferina.
4. *LARVÆ MUSCÆ LEPRÆ* in lepra nigraturum.
5. *LARVÆ MUSCÆ CARNARIÆ ET VULGARIS* in vulneribus, ulceribus, variolis & lepra.
6. *PULEX AMERICANUS* sub cute americanorum.
7. *LARVÆ AESTRORUM*, quæ sub cute boum & rhangiferorum tubera faciunt.
8. *SYRONES* in pustulis manuum & pedum.
9. *GORDIUS MEDINENSIS* seu *DRACUNCULUS PERSARUM*, qui in telam cellulosa penetrat.
10. *LUMBRICUS EFFRACTOR*, qui quandoque ex abdомine effringit.
11. *FURIA INFERNALIS*, quæ cutem perfodit ex aere delapsa.
12. *ASCARIDES*, quæ intestinum rectum aut vulvam inhabitant.

13. *SCOLOPENDRA FORFICULATA*, quæ aures intrare amat.
14. *HIRUDO*, qui cuti adhærere solet hominum, qui stagna intrant.

P H T H I R I A S I S.

Est morbus, in quo cutis vel aliæ partes ingenti pediculorum copia obsidentur.

Hæc insecta cutem puncturis, pruritu, sordibus, ulcusculisque valde discruciant.

SPECIES sunt :

1. *PHTHIRIASIS CAPITIS*. Est infantibus familiaris, cum scabie, & portigine furfuracea capitis conjunctus morbus. Capilli ut plurimum *lendibus* copiosissimis, quæ *ovula* pediculorum sunt, obsidentur.

Curatio exigit frequentem pectinationem & purificationem capitis, atque insersionem seminis petroselini, sabadillæ.

2. *PHTHIRIASIS PUBIS*. In pilis pubis, scrotri & inguinum pediculi lati, quos *platulas* seu *morpiones* appellant, observantur. Hi profunde cuti immerguntur, molestum pruritum excitant, at cutem non ut pediculi capitis exulcerant.

Curantur unguento neapolitano, aut solutione saturata mercuriali, vel pulvere seminis *Staphisagriæ*, vel infuso *nicotianæ*.

3. PHTHIRIASIS SUPERCILIORUM.

Pediculi, qui supercilia interdum inhabitant,
sunt platulis similes.

*Curantur aloe in aceto scillitico soluta, vel oleo
spicæ vel unguento mercuriali.*

4. PHTHIRIASIS TOTIUS CORPORIS.

Tota corporis superficies & omnia vestimenta,
præsertim si lanea sunt, replentur pediculis &
eorum lendibus.

*Curatio exigit balnea ex nicotiana, inundationes
mercuriales cum oleo spicæ, & nova vesti-
menta.*

Interne cortex cum mercurio adhibeatur.

5. PHTHIRIASIS INTERNA. Est ea, in
qua pediculi e diversis corporis locis exeunt,
ut ex oculis, naribus, auribus, ore, cum uri-
na, sputo, fecibus. Ægroti emaciantur & per-
eunt.

Curatio instituatur, ut in priori specie dixi.

H E L M I N T I A S I S.

Est morbus, in quo cutis, vel aliæ partes externæ
ingenti vermium vel larvarum vermiformium co-
pia obsidentur.

SPECIES sunt:

I. HELMINTIASIS CUTANEA. Hic mor-
bus endemius est Martinicanis, Westphalis,
Transylvanis & Acridophagis. Miseris hoc
morbo affectis per magnam corporis partem

vermiculi sub cute cuniculos agunt, & fere totius corporis pinguedinem consumunt, atque carnes hinc inde ad ossa usque devorant, adeo ut mors horrenda sequatur.

Curatio exigit interne & externe anthelmintica cum mercurialibus.

2. *HELMINTIASIS INTESTINI RECTI, VULVÆ, URETHRÆ, NARIUM, AURRIUM*, aut *GINGIVARUM*. * Frequenti injectione tabaci, vel solutionis ex sale amaro & anthelminticis curatur.

3. *HELMINTIASIS ULCERUM*. Vermes, qui in ulceribus, aut vulneribus forcidis, diu aeri expositis, negligenterque deligatis, potissimum æstate, ratissime autem hyeme reperiuntur, ovulis, a musca vulgari vel carnaria in ulcera depositis, originem debent. Hi vermiculi etiam in scabie humida, variolis matutinis, atque in lepra inveniuntur.

Curatio exigit, ut ulcera bene eluantur, & mundentur, dein oleum terebinthinae, essentia aloes, vel elixirium vitrioli applicetur, vel mercurius dulcis inspergatur.

M A L I S.

Tubera, quæ infesta, vel vermes intra se recondunt, *males* dicuntur.

* Vidi nuper infantem, cui gingivæ ingenti copia vermium repletæ erant, solutione salis amari banc helminthiasim intra paucos dies curavi.

SPECIES malium sunt :

1. *MALIS PEDICULARIS*, in capite & facie bulla visa fuit, quæ incisa magnam copiam pediculorum continuit.

Curatio facta incisione exigit elutionem cum aqua vulneraria.

2. *MALIS A PULICE AMERICANO*. Hoc insectum in America degens vix conspicuum est, cutim peregrinantium maxime in cruribus subit, imo quandoque sub unguibus in cutem penetrat. Intra aliquot dies sub epidermide magnitudinem pisí acquirit & partem obsessam subinde ad ossa usque erodit.

Curatio exigit, ut insecta hæc quotidie ope cultri acuti ex cute evellantur, & locus cinere tabaci combusti inspergatur. Ubi vero totum crus his insectis obsidetur, linteum oleo picis intinctum applicari debet, hoc remedio hæc insecta cito separantur.

3. *MALIS AB ACARO SYLVESTRI AMERICANO* etiam sic tractatur.

4. *MALIS A GORDIO MEDINENSIS seu DRACUNCULO PERSICO*. Est vermis non solum circa Medinam & in Persia, sed in omnibus æstuosarum regionum lacubus obvius. In hominum cutem inter lavandum vel ambulandum in aqua lacustri se insinuare solet. Frequentissime crura & scrotum occupat. Hic vermis sæpe ad plurium pedum longitudinem in tela cellulosa hominis, quem afficit,

increscit, muscularum tractus sequi amat, subinde, quod pejus est, ossa serpentis adinstar amplectitur. Modo unus modo plures adesse deprehenduntur.

Hic vermis per annum in corpore latitat, & præter dolorem loci affecti nullum incommodum facit.

Non raro autem tumorem rubentem cum febre plurium dierum, quæ nuncia est prodituri vermis, excitat. Exsurgit demum in tumore vesica pellucida, vel nigricans, ex qua rupta prosilit rostellum vermis, qui sensim magis erumpit, & ita extrahi paullatim potest.

Curatio exigit, ut tumor cataplasmate laetio emolliatur, dein ut erumpentis vermis portio circa ligulam rotetur, sic intra 10 circiter dies totus vermis, cavendo ne rumpatur, extracti potest. Ulcus extracto verme ut aliud curatur.

Enormis vermis longitudo, tarda maturatio, implicatio vermis circa ossa vel musculos, vermis ruptura, curationem longiorem, & difficultatem reddunt.

5. *MALIS A SIRONIBUS.* Hoc insectum intra cutim se insinuat & epidermidem in papulas attollit pruriginosas, rubras vel luteas, quæ sensim exulcerantur. In planta pedis & vola manus sirones frequenter nidulari solent.

Curatio exigit, ut sironus acu effodiantur, & dein locus sebo deligetur: alii solutionem salis amari, alii unguentum amarum cum mercurio dulci adhibent.

6. *MALIS A LUMBRICO EFFRACTORE.*

Hic vermis ex intestinis in umbilico vel in inguinibus, præsertim in locis herniosis excitato abscessu erumpere solet. Relinquit fistulam subinde difficulter, subinde facile aqua thediana curabilem.

C R I N O N E S.

Sunt setæ lineam longæ, nigricantes & confertæ, quæ instar vermiculorum ex cute exprimi possunt.

SPECIES sunt:

1. *CRINONES INFANTUM.* Cutis dorsi, brachiorum & crurum in infantibus athrophicis nigricantibus setis confertim obsidetur. Has setas aliqui pro vermiculis habent, & ideo *Comedones* vocant.

Curatio exigit, ut partes obsestæ bile bubula vel manu ex calido oleo olivarum madida, vel aqua calida, cui parum farinæ, aut pulveris cyprei additum est, alternis diebus fricentur.

2. *CRINONES ADULTORUM.* Puncta nigra referunt in facie, circa nasum, & in antica thoracis parte, quæ puncta digitis ex cute presa simulacula vermiculorum cum capite nigro exhibent.

Sebum in foliculis cutaneis inspissatum & in extero apice corruptum, atque per porum excretorium glandulæ expressum, hos vermiculos cum capite nigro repræsentat.

Curatur lotione saponacea ex sapone, vel oleo tartari per deliquium & expressione sebi, vel, quod optimum censetur, felle taurino.

CLASSIS XIII. MORBI UNGUUM.

Morbi, qui unguis infestare solent, sunt:

S E L I N E.

Est macula alba in vel sub ungue.

Macula autem albicans in radice unguis conspicua *In-nula unguis* dicitur.

SPECIES sunt:

1. *SELINE A CARIE SICCA UNGUIUM*, quæ vitri acuti fragmento tam diu radi debet, donec macula dispareat. Subinde spiritus vini camphoratus conducit.

2. *SELINE A PUSTULA SUB UNGUE*, quæ rasuram unguis cum cultro exigit, ut pus exire possit.

E C C H Y M O M A U N G U I S.

Est macula livida sub ungue.

SPECIES sunt:

1. *ECCHYMODA VIOLEN TUM*, quod a contusione, pressura, acupunctura unguis vel festuca sub unguem intrusa oritur.
Curatur fomento calido ex oxycrato vel vino.
2. *ECCHYMODA A FRIGORE AERIS.*
Evanescit in calore.
3. *ECCHYMODA A FRIGORE FEBRILL.*
Est livor unguium in stadio frigoris febrilis.
Evanescit in stadio caloris.
4. *ECCHYMODA TRIHOMATICUM.* Ante eruptionem trichomatis aliquando omnes ungues nigerrimi fiunt, & abscedunt.

G R Y P H O S I S.

Est unguium, postquam longe excreverunt, incurvatio.

SPECIES sunt:

1. *GRYPHOSIS A NEGLECTA ABSCISIONE.* * Curatio exigit abscissionem opericulis scindentis vel serrulæ, si unguis nimis durus.

* Hominibus, quoties ungues vel ex barbarie vel ex more aliquo antiquo omittunt resecare, ad 3 & 4 pollices & spithamam longi fiunt. HALLER *Phyfiol.* T. V. p. 30, Cel. CAMPFER *Abh. von Schvh.* pag. 56. unguem pollicis majoris, qui super omnes reliquos digitos pedis excrescebat, adhucdum conservat inter sua preparata anatomico - pathologica.

2. *GRYPHOSIS A RESECTA PLICA POLONICA.* Inter alia symptomata potissimum unguium excrementia mirabilis, cum scabritie & nigredine, ut unges cornua hircina referant, observatur.

Curatio exigit ablationem trichomatis.

3. *GRYPHOSIS ANONYMA* seu a morbo ignoto, *

FISSURA UNGUIUM.

Est unguis solutio lineam referens.

SPECIES sunt :

1. *FISSURA CRUENTA*, quæ ab instrumento acuto infligitur, & unione ut vulnus euratur.

2. *FISSURA SICCA*, quæ sua sponte subinde observatur, aliquando autem luis venereæ vel lepræ effodus est.

Curatio instituatur juxta morbum, a quo fissura pendet.

TINEA UNGUIUM.

Est unguis unius, vel plurium erosio seu corruptio ulcerosa,

* Ex morbo duos pollices longos unges **LINDENIUS** in sua *physiologia* resert. Duas uncias longos in *Phil. Trans.* n. 297. quatuor cum dimidio **JACOBÆUS** conf. **BARTVOLINI anat.** p. 57.

SPECIES sunt:

1. *TINEA SICCA*, v. *scabrities unguium*.
2. *TINEA HUMIDA*, in qua unguis mollis, rugosus, hinc inde corruptus & saniosus est.

CAUSA PROXIMA est depositio humoris acris, qui circa radicem unguis deponitur.

Id contingit in lue venerea, in impetigine, in plica polonica, in lepra & elephantiasi.

Curatio exigit, ut acrimonia suo specifico remedio auferatur.

Externe spiritus vini camphoratus cum mastiche profest.

MOLLITIES UNGUIUM.

Est unguium tanta flexilitas, ut sine ruptura plicari, & corrugari possint. Hic morbus subinde a *tinea unguium*, subinde a *chlorosi* oritur.

Curatio. Mollities *tineosa* ut *tinea unguis*, mollities *chlorotica* *martialibus* curatur. *

SCABRITIES UNGUIUM.

Est unguium sicca, quasi cariosa corrupcio, qua unguis scaber, crassus, friabilis & inæqualis evadit.

Hic morbus etiam *tinea sicca* unguium vocari potest; subinde solam radicem, vel solum marginem adhæsivum, subinde totum unguem occupat.

* NIEMAN *Dissertatio epistolica de fœda unguium mollitie puellæ chloroticæ martialium usu feliciter curata.*
Magdeburg. 1774.

Oritur a valido labore, quo radix ungis vitiatur, aliquando etiam a causa interna nascitur.

Curatio exigit, ut frustum lardi corrupto ungui per aliquot septimanas firmiter applicetur.

PTERIGIUM UNGUIS.

Est epidermidis magna prolongatio & incrementum supra radices unguium.

Curatio exigit, ut epidermis obtuso cultro ab ungue separetur & reprimatur.

Ulcera circa marginem unguis frequenter *carnem fungosam*, quæ supra unguem prospere videtur, formare solent. Hæc lapide infernali auferatur, & dein aqua cum aqua vulneraria ex cortice peruviano, aqua Thediana & extracto saturni parata exsiccatur.

ARCTURA UNGUIS.

Est unguis curvatura lateralis, cutem secans & exulcerans.

Noscitur inflammatione, dolore intenso & exulceratione laterali digiti, præsertim pollicis majoris in pede.

Oritur ab excisione nimis acuta marginis lateralis in ungue aut a calceis nimium angustis.

Curatio exigit, ut unguis medietas fragmento acuto vitri tamdiu fricetur, donec margo lateralis sursum pergat; sub unguem ponitur linteum carpum, & ad ulcus applicetur extractum saturni,

aqua dilutum , vel aqua vulneraria viridis * vel aqua vulneraria chinata. **

Si hæc medicatio non juvat , discindatur forfice acutissima unguis a margine usque ad radicem , dein portio unguis carni increta , forcipe elevatur.

DEFORMITAS UNGUIS.

Est unguium monstrosum incrementum in formam unguiculæ avicularis vel cornu. ***

Curatio exigit abscissionem.

LAPSUS UNGUIUM.

Est unguis unius vel plurium spontaneus secessus a digito.

* *Ill. BALDINGER neues Magazin für Aerzte.* 3. B.
1. p. 26. vom Nagelgeschwür. $\frac{1}{2}$. vini albi $\frac{1}{2}$ ij. viridis æris , aluminis aa $\frac{1}{2}$ β , mellis $\frac{1}{2}$ β . m. coquantur leniter.

** Ego sequantem aquam centies egregiam sum expertus.
 $\frac{1}{2}$. Aquæ fontanæ $\frac{1}{2}$ vij. Aquæ Thedianæ $\frac{1}{2}$ ij. Extracti saturni. Salis ammoniaci aa $\frac{1}{2}$ β . Cort. peruviani $\frac{1}{2}$ j. m. f. aqua.

*** Historiam unguium , qui in vera cornua laminata abierunt , V. in *Histoir. de l' Academ.* 1719. hist. I. Hominem quotidie coram me video , qui sibi digitum auricularem manus sinistræ in sua juventute intra portam adeo compresserat , ut totus unguis ablatus fuerit , renascebatur loco unguis cornu acutum , quod unguis substantiam habet , admodum crassum & longum fit , si non omni mense resecetur.

CAUSÆ, quæ hunc lapsum efficiunt, sunt suppuration
sub vel circa radicem unguis, longa manuum
maceratio in aqua calida, virus plicosum, vel
aliud, & datum venenum.

A lapsu unguis ad minimum loci denudati attactum
fiant horrendi dolores.

Curatio requirit, ut inspergatur ad locum ab ungue
nudum pulvis olibani vel mastichis, & molli ce-
ra, quæ unguis figuram referat, tegatur.

Sic unguis a sua radice incipit iterum crescere, &
restitui.

CLASSIS XIV. MORBI PILORUM.

Morbos, qui pilos afficiunt, ut morbos unguium ad
cutaneos referto, cum ungues & pili partes cu-
tis esse censeantur.

Sunt autem *morbii pilorum* sequentes.

C A L V I T I E S.

Est pilorum in capite vel alia parte crinita defectus.*

CAUSA PROXIMA est oscularum in bulbis, quæ pilos
emittunt, nimia amplitudo, vel nimia arctitudo
seu concretio vel bulbuli ipsius morbositas.

Dividitur generatim calvities

In *universalem*, si totum caput calvum glabrum-
que sit.

* D. PFEIFFER *diff. de calvitie. Budæ 1783.* Calvi-
ties Græcis Φυλακεωσις, vel *Maderosis* dicitur.

In partialem: si quidam tantum capillatæ partis locus capillis careat. Hæc species dicitur *Area* seu *Alopectia*, si locus depilis plagam: *Ophiasis* si locus calvus serpentem ab occipitio, ad frontem vel utrinque ad tempora pergentem referat. Datur demum **calvities** barbæ, axillarum, pubis, oculorum.

SPECIES sunt:

1. *CALVITIES FEBRISEQUA*, quæ febres acutas sequitur.
2. *CALVITIES PUEPERARUM*. Quibusdam mulieribus in omni puerperio plus minus defluunt capilli.
3. *CALVITIES MORBORUM EXANTHEMATICORUM*. Variolas aut erysipelas sæpe calvities sequitur.
4. *CALVITIES ACRIMONIOSA*. Huc pertinet calvities a prægressa tinea, achoribus, trichomate, lepra, lue venerea, scorbuto &c.
5. *CALVITIES PHTHISICORUM*. Est capillorum defluvium, quod in consumata phthisi vel hætica observatur.
6. *CALVITIES A DEBILITATE NERVOSA*: terror, veneris abusus, magna animi per curas agitatio, cephalæa induxere calvitiem. *

* Exempla de his omnibus collegit D. PFEIFFER. L. c. p. 14.

7. *CALVITIES SENUM* est naturalis capillorum defectus in syncipite & vertice senum.
8. *CALVITIES HEREDITARIA*. Quæ multis familiis jam in ætate juvenili vel virili consueta est. In Insula Mycono infantes calvi dicuntur nasci vel 20 anno jam calvescunt. *
9. *CALVITIES A VAPORE MERCURII*, quæ in aurifabris quandoque observatur, & diæta lactea curata fuit. **
10. *CALVITIES a causa externa*: ut a dropace, a mitra aspera &c.

Prognosis. Si locus calvus frictione non rubeat, tunc calvities incurabilis censetur. *** Senilis nunquam, hereditaria & inveterata, ut & universalis raro curatur. Palingenesia crinum quandoque diversi a prioribus coloris & figuræ est.

Curatio exigit, ut causa materialis calvitiei tollatur, dein ut oscula pilos emittentia nimis laxa roborantibus arctentur, nimis arcta relaxentur; impervia autem ope rasuræ referantur. Hinc præmissis catharticis antacrimoniosa, vel roborantia vel in siccitate humectantia interne dentur.

Externe specifice laudantur: rasura capitis, aqua stillatitia e favis apum, axungia ursi, lixivium cinerum, in quo hedera arborea vel malvæ radix

* TOURNEFORT *vog. en lev.* T. I. p. 333.

** FORESTI *observ. & curat.* L. 8. *obs.* 5.

*** ZACUTI *Prax. histor.* L. 7. C. I. p. 5.

vel buxus * infusus aut coctus, succus cæparum
affritus, ladanum oleo solutum, succus tabaci,
thapsia ʒj cum axungiæ ursi ʒj in unquentum
redacta.

H I R S U T I E S .

Est pilorum exortus nimius, vel in toto corpore vel
in loco non consueto.

CAUSA PROXIMA est bulborum progenies in loco non
consueto vel affluxus nimius nutrimenti ad bul-
bos pilorum.

Nascuntur subinde fœtus adeo hirsuti, ut pro simiis
habiti fuerint. Huc etiam refero feminas barba-
tas & duplicita supercilia super uno oculo.

HIRSUTIES ergo vel *universalis* in tota corporis su-
perficie est, vel *partialis* in uno tantum vel con-
sueto vel inconsueto loco. **

* *Misc. N. C.* dec. 2. ann. 2. obs. 155. lixivio buxi in-
cautius faciem & collum lotum non tantum in capite
loto sed etiam in facie & collo copiose progerminasse
fertur.

** Homo ex sua natura hirsutum est animal, totum pi-
lis adpersum, si volam manus, plantam pedis, &
penis glandem excipias, nam etiam in facie & mam-
mis formosissimæ feminæ pili deprehenduntur. Quoties
jam hi pili, qui vulgo breves manent in homine, in
aliqualem longitudinem ex crescunt, tunc homines
hirsuti seu *pilosí* vocantur. Fœtus aliquando toti pilosi
nascuntur, feminæ barbatæ & homines in tota facie
pilosí fuere visi. In ovarii, aliarumque partium athe-

Curatio. Applicetur spiritus salis dulcis, qui mediante charta bibula apponitur, vel unguentum depilatorium ex auripigmento, calce viva & melle.

X E R A S I A.

Est capillorum nimia tenuitas, lanugini similis.

Curatio exigit, ut caput novacula abradatur, & saepius unguento pomato inungatur, atque pulvere cyprio inspergatur. Decoctum buxi denique tenandum.

TRICHOMA seu PLICA POLONICA.

Est praeternaturalis pilorum in quacunque pilosa corporis parte in funiculos vel pannos intricatio, * nulla arte humana extricabilis.

Dividitur plica.

In *cirrosam*, quæ plica *mas* vocatur, dum unus vel plures cirri contorti e parte crinita instar caudarum glirium pendent.

romatibus frequenter pili crassi & alii inveniuntur. Sic etiam in omento, in ventriculo pili effluerunt, lingua non raro pilosa evadit. Pilam capillorum super musculum rectum abdominis, & in carne bubula folliculum, in quo intricati pili erant, descripsérunt Authores. V. *Ill. HALLERI elementa Physiologiae T. V. p. 32. & 33.*

* Vide egregiam *diff.* D. GABRIEL de *Plica polonica*. *Budæ. 1780.* & Cel. VICAT *Mémoires sur la plique palonoise.*

In villosum, quæ plica femina dicitur, dum omnes fere crines in se mutuo intertexti speciem pilei villosi seu mitræ vel panni cujusdam rigidi efforment.

Sedes. Caput capillatum plerumque huic malo obnoxium est, tamen etiam in barba, & in pube visa est plica. Brutis e juba aut cauda erumpit. Longitudo ejusdem quandoque enormis est.

CAUSA PROXIMA est peculiare miasma, quod uberiorum & criticum secessum succi crines nutrientis causat. Indoles atque origo hujus miasmatis adhuc ignoratur. Hoc miasma ex India orientali circa annum 1687 per Tartaros in Poloniam, Silesiam, Hungariam, Sarmatiam, Russiam, & loca vicina inventum fuisse creditur. In aliis regionibus vix conspicuus est morbus.

Morbi contagium *nativitate* a parentibus trichomatosis, vel concubitu cum homine infecto vel usu leđi, vestimentive miasmate infecti, communicatur.

SPECIES sunt :

1. *TRICHOMA LATENS* seu *OCCULTUM*.

Ante plicæ eruptionem per plures menses atrocissimus capitum dolor adest cum sudore viscidè crinum, noctu molesto, copiosisque furfuribus locum plicæ, ubi erumpit, conspurcantibus. Arthritis vaga & fixa, pleuritis, cardialgia, colica, œdema crurum, glandularum infarctus, tubercula cutanea, tophi arthritici, ulcera oris, narium, viscerum febres variæ audæ &

intermittentes, deliria acuta & chronica, convulsiones, spasmi, paralyses, paretas, alvi fluxus, hæmorrhagiæ, oculorum varii morbi, ophthalmia, amaurosis, dolor, pica, unguis scabri, lividi, recurvi, corrupti, quandoque humores pilosi sub cute cranii latentes. *

2. *TRICHOMA EVOLUTUM.* Critica plicæ excretio per longum tempus durat, perfecta cognoscitur fuga omnium symptomatum, capillorum defluvio, qui dein resarcuntur.

3. *TRICHOMA SUPPRESSUM* a resecta ante perfectam crism plica, iidem oriuntur morbi, quos in latente trichomate adnotavimus, qui redeunte plica iterum evanescunt. Tolluntur hi morbi

1. Plicæ spontanea *eruptione*.

2. *Pthiriasi* cum porrigine, & sudore fœtidо capitіs.

3. *Alopecia* spontanea.

4. Datis medicamentis specificis contra pli-
cam.

4. *TRICHOMA SPURIUM.* Est capillorum intricatio, quæ a neglecta pedillatione & sordida porrigine capitіs nascitur. ** Absentia sym-

* GABRIEL l. c. p. 27.

** CEL. VICAT l. c. p. 46.

ptomatum in trichomate vero consuetorum cognoscitur.

Curatur resectione capillorum & purificatione capitis. V. Achores.

Curatio. Cum antidotum hujus miasmatis adhuc desideretur, necesse est

1. Ut *latens miasma excernatur*:
2. — *excretum non repellatur*, aut
3. — *retropulsum iterum in capillitium revoceatur.*

LATENS miasma ad excretionem invitatur 1. ope fermentorum calidorum, capillitio capitis diu applicatorum. Optimum est caput decocto lycopodii bis de die lavare, vel unguento lycopodii, bis de die illinere. * Arnicæ aut roris marini flores in aqua vel cerevisia cocti, specifice ad hunc scopum laudantur. 2. *Interne idem decoctum lycopodii vel infusum arnicæ, aut rorismarini ** cum sale succini, aut viperarum tamdiu exhibetur, donec symptomata remittant & plica prodeat.*

In casu graviori adhibentur vesicatoria ad nucham, theriaca, tinctura metallorum, pulvis ex sulphure aurato antimonii, & camphora. Decoctum sarsaparillæ & radicis serpentariæ virginianæ.

* GABRIEL l. c. p. 78.

** Hebræo plica polonica laboranti infuso rorismarini arthritidem & cephalæam nuper curavi, plica etiam emendabatur, at ægrotus paullo post aufugiebat.

Ungibus apponatur cera rubra mollis ad sigillandum usualis.

Purgantia valentiora, emetica, mercurialia, nitrofa copiose data, atque venæfæcio morbum valde exasperant. Rescissio plicæ & capillorum est summe exitialis, cum pessimi exinde morbi subsequantur. Sed spontaneus plicæ delapsus, qui vero admodum raro contingit, subinde salutaris fuit. *

FISSURA CAPILLORUM.

Est spontanea dehiscentia capillorum in duo vel plura filamenta. **

Rarissime vel nunquam ad cutem usque capilli finduntur, sed tantummodo in fine extremo.

CAUSA PROXIMA est capillorum aridura, vel vitiosus succus, vel abundantia succi capillaris. Hinc capilli fissi sæpe defluunt.

* Interim tamen tonsio capitis aliquando utilis fuit. De plica valde immunda tonsione capitis sanata observationem habet TRIOEN v. ejus *observationes*. Cl. Prof. Pragensis MIKAN curavit feminæ, jam a multis annis plicosæ, capillos abscindi; altero die enormis capitis dolor, vertigo & debilitas sequuntur, multa remedia gratis tentantur, omnia in pejus ruunt, demum capilli penitus abraduntur, & sic hæc fæmina integre convaluit.

** Græcis hic morbus dicitur *Dichophyza*.

Curatio exigit, ut capitiluvia ex herbis aromaticis & recens unguentum pomatum adhibeatur. *Interne* dentur, quæ sanguinem purificant.

C A N I T I E S.

Est coloris capillorum mutatio in album vel gryseum colorem.

C A U S A P R O X I M A esse videtur exsiccatio seu aridura bulborum capillarium. *

SPECIES sunt:


1. *CANITIES SENILIS*, quæ senectutis est naturalis effectus. Quibus venerabile hoc senectutis ornamentum displicet, hi caput suum cæsarie adscititia tegere, aut frequenti pectinazione cum pectine plumbeo colorem nigrum inducere tenentur. Sunt demum, qui cum solutione lapidis infernalis capillos nigricant.

2. *CANITIES PRÆMATURA*, quæ in ætate juvenili vel virili jam contingit. Hæc canities sæpe hereditaria est, sæpe magnum terrorem, aut morbum sequitur. * *Trađatur* ut canities senilis.

* In senibus, omnibus in regionibus capilli canescunt, cum solus nunc epidermidis color supersit exhausta medulla, a quo color erat, & pellucidi sunt ut vitrum album, dicit *Ill. HALLERUS*, bulbos etiam minores esse ajunt.

** Subito aliquos a terrore canuisse multi auctores sunt
V. *Ill. HALLERI elementa Phystiol.* T. V. p. 37.

INDEX GENERUM.



	<i>Pag.</i>		<i>Pag.</i>
A.		E.	
Achores.....	74	Ecchymoma.....	29
Albor.....	35	———— unguis.....	121
Alphus.....	34	Elephantiasis.....	71
Anserina cutis.....	64	Ephelis.....	17
Aphthæ.....	104	Erythema.....	22
Arctura unguis.....	125	Eschara.....	74
Asperitas cutes.....	90	Efferæ.....	25
B.		Exanthema labiale.....	83
Bullæ.....	57	———— subaxillare.....	83
—— solitariæ.....	58	Excrecentiæ cutaneæ.....	96
C.		Excoriatio cruenta.....	109
Callus.....	91	———— purulenta.....	102
Calvities.....	127	Exuvia epidermidis.....	84
Canities.....	136	F.	
Cicatrix.....	92	Fissura.....	106
Clavus.....	94	———— capillorum.....	135
Condyloma.....	99	———— unguium.....	123
Cornua cutanea.....	98	Flavedo cutis.....	19
Crustæ.....	73	Frambæsia.....	101
—— capitis neonatorum.....	77	Fucata cutis.....	39
Crustæ lactea.....	77	Furfuratio.....	84
Crinones.....	120	Fuscedo.....	18
D.		G.	
Deformitas unguis.....	126	Grutum.....	61
Desquammatio.....	84	Gryphofis.....	122
		Gutta rosacea.....	19
H.			
		Helminthiasis.....	116
		Herpes.....	61

I N D E X.

<i>Pag.</i>		<i>Pag.</i>	
Hirsuties	I 30	P.	
Hydatis	55	Pallor cutis.....	
Hystriciafis	99	Papulæ.....	
I.		Pemphygus.....	
Ichthiosis.....	89	Petechiæ.....	
Ictus ab insecto.....	112	Phlyctenæ.....	
Impetigo.....	86	Phtyriafis.....	
Insecta cutanea.....	114	Phygethon.....	
Intertrigo.....	103	Phyma.....	
Jonthi.....	60	Plica.....	
L.		Porrigo.....	
Lapsus unguium.....	126	Pressura.....	
Lentigo.....	16	Ptydraciæ.....	
Lepra.....	67	Pterigio unguis.....	
Lichen.....	86	Punctura.....	
Livor cutis.....	30	Pustulæ.....	
M.		— solitariæ.....	
Maculæ.....	15	R.	
— artificiales.....	38	Rhagades.....	
— gongrænosæ.....	31	Rubedo.....	
— lata Plateri.....	28	Rugosa cutis.....	
— maternæ.....	36	S.	
— scorbuticæ.....	31	Scabies.....	
Malis.....	117	— capitidis.....	
Malum mortuum.....	83	Scabrities unguium.....	
Melas.....	32	Scissura.....	
Melasma.....	32	Seline.....	
Mentagra.....	82	Serpigo.....	
Miliare.....	55	Squamimæ.....	
Milium.....	61	Stigma.....	
Molities unguitum.....	124	Sudamina.....	
Morsus.....	111	T.	
N.		Terminthus.....	
Nigredo cutis.....	33	Tinea.....	
Noma.....	33	— unguium.....	
		Trichoma.....	

I N D E X

<i>Pag.</i>		<i>Pag.</i>	
Tuberculum.....	65	Vibices.....	30
Tyriasis.	89	Ulcera.	102
V.		Unctuosa cutis.	40
Vari.	60	Uritis.	57
Varicellæ.	52	Urticatæ.	25
Variegata cutis.	38	Vulnera cutanea.	109
Variolæ.	46	X.	
Verruca.	96	Xeratia.	131
Vesiculæ.	54	Z.	
— cristallinæ genitium.	56	Zona S. Zoster.	27



